

學



記

旅行雜誌

每月刊印一册

中國唯一之旅行讀物



名家長期撰述

文字生動雋永

圖畫美麗名貴

排式新穎動日

紙張堅韌潔白

印刷特別精良

常出各種專號

請速定閱 精美絕倫

折九現代票郵

分二本每冊

角一本售另

元三年全宗額

美 贊 致 一 報 大 名 著 各

◎旅行雜誌之暢銷

中報

銷路日日增

金瓶梅詞話

[illegible]

版出 社行旅國中 海上

692.7  
139  
3



3 0662 9691 8

## 吳序

亞伯先生。與余同客英倫。相叙有年，無日不同游息。惟其時皆窘于圖力與日力。不能爲經時越月之遠游。故曹先生長時浪游之興味。余亦難一同領畧。歸國後聚散不常。但從歐戰時聞先生作環球之游。卽艷羨非常。然十年以來。余東牽西捩幾忘游觀之樂。近來數月。小住湯山。日觀山水之美。忽動游興。于是每數日必走數十里。登山涉水。興會彌高。近來因事有太原之行。在太行萬山中。盤曲循行。中心悅愉。不可名狀。渡海南歸。又在海舶中遇汪張兩生。漢中人也。述說終南山之南境。如何清美。正動游川之興。語云老不入川。此古代文弱書生之言。非所限于我輩。且曹先生新有游川日記。索序已久。連帶憶及曹先生之游。其興味必倍于他人。恨不能相從。然有其游記作先導。來日吾之川游。必更有如歸之樂。今日適遇于滬寧車中。先生堅不肯放行。必令車中交卷。于是卽將余之心契于曹先生善游之歷史。寫此數十百字爲塞責。且曹先生之書一出。吾知挾以游川者必多。吾將來伴侶。不啻先生親爲介紹也。愉快更何如。民國十有八年七月十七日吳敬恒序



A 570137

# 大豐工業原料有限公司徵求國內天產品

敝公司營原料業於今十年雅不欲爲舶來品張目所爲唯一之希望者卽本廠貨之增加天產品之發見得漸漸而廓清之耳然耳目未周所得殊少今可稱爲國貨者僅百分之二十五尙有百分之七十五猶仰給於鄰國也竊維中國地大物博何所箴有其可充爲工業材料者首推鑛物如筆鉛石棉雲母碗青石黃以及一切貴金屬稀金屬果有商品之價值請寄示樣本敝處當竭所知以告或爲之接應以期事事無所求於人則非獨彼此之幸亦國家之幸也

地址上海交通路一二七·一二八·號門牌



## 叙言

十八年春正月。重爲自虞來崑。得識亞伯先生于其隱居之所。先生出示其游川日記一巨帙。斤斤于救國之義。心甚儀之。夫山川之秀毓。其至清。賢聖英豪。代不世出。一傑臨而億兆安。一才治而萬衆謚。賢哲之于世。其關係爲如何耶。黃帝苗裔。垂祀四千餘載。文治之殷。遠播四土。迺以獨夫當權。被海拱服。著于典冊。載籍之中。而我神胄。遂赫明燭。居于城闕之下矣。然中州豪傑。屢抗金人。排斥滿清。喋血千萬。史冊揭其光。閭里咏其成。一唱而三嘆。民氣之平也。先生弱冠從文。力膺革命。秉艱難之世格。神而明之。以將以瘡。遂造今日。黠者因利竊名。掩塞人智。服居帝夷而猶侈。言愛國。人心之爲喪。不亦大可哀耶。國土日以蹙。民生日以困。疆者之窺伺。日益厲。而爲亂之攘陸。尙日弗衰。先生愛在鴻慈。施于世度。川之游。蓋欲設計川土。爲民國先。西關草萊。遂援印度。發吾智能。推動華胄。十年生聚。十年教訓。而亞洲之雄。世界萬族。各得其老安少懷之邦矣。以物物人。以德德人。王者之所希。亦社會所共存。先生之訓世。庸有朽乎。重爲兩願。先生公是。記于衆。衆因得涉此風土。記其富藏。利其能力。以治亞洲。以速帝國主義之滅。而維社會之安定。則幸甚矣。三月二十九日四川陳重爲謹叙。

## 武昌革命眞史出版

中華民國。產生於辛亥八月十九武昌之首義。亦由於人心思漢。舉國同仇。不數月竟將亡於滿清二百六十七年之江山光復。不可謂非世界歷史上之一大革命也。然武昌革命之醞釀。及起義時之艱難。起義後之血戰。本本原原。是是非非。不可不記載清楚。以爲舉國人心之鑑別。作者雖遺忘缺漏之處尙多。但所親歷及耳聞目見之事實。實無一字之附會。全部共四卷。已成四十萬餘言。由中華書局出版。凡我國民。如皆能閱畢全編。於中華民國之掌故。澈底澄清。而猶嘆大亂之不止者。無有是處。更望親與武昌革命之役者。有所補助。於再版時。一一增入。則尤爲切禱。民國十八年夏。曹亞伯敬啓。

曹亞伯先生著

# 武昌革命真史

紙面三冊定價五元 預約三元  
布面一冊定價六元 預約四元

辛亥武昌起義。推翻清室。改建中華民國。爲我國歷史上。一絕大關鍵。然起因如何。當時經過如何。世人鮮知其詳。殊屬憾事。曹亞伯先生爲武昌日知會及東京同盟會首難之人。搜集武昌革命直接間接之材料極夥。直接如湘鄂日知會等之革命運動。清吏拘殺黨人之口供證據。獄中之日記。起義時之情形……等。間接如粵桂浙皖魯遼各省之革命。同盟會之歷史。海外華僑之熱心……等。並有照片多幅。均用銅版印入。而當時革命名著警世鐘猛回頭二書。亦全部印入。洋洋四十萬言。實爲我國最重要之史料。而人人所當一讀者也。

上海及各省中華書局發行

# 遊覽必攜

中華書局發行

雲南遊記	新疆遊記	西湖百景	西湖博覽會指南	袖珍西湖遊記	步地西湖遊覽指南	增訂南京遊覽指南	古今遊記叢鈔	新遊記彙刊	全國商埠旅行指南
一冊	一冊	一冊	一冊	一冊	一冊	一冊	十二冊	六冊	一冊
一元	一元二角	二元	二角	四角	四角	三角	六元	三元	二元四角

杭州西湖全圖	袖珍最新上海地圖	最新上海全埠地圖	最新北平全圖	最新南京地圖	中華民國分省地圖	中華民國大地圖	南洋旅行漫記	江亢虎南遊迴想記	國外遊記彙刊
一彩	彩印摺疊	一彩	一彩	一彩	附說明書	一彩	一冊	一冊	八冊
大幅印	一大幅八角	大幅印	大幅印	大幅印	一元六角	大幅印	一元二角	五元	一元八角
三角		四角	四角	五角		一元二角			



# 遊川日記

曹亞伯

自十六世紀機械發明。而世界組織悉爲變動。在世界經濟網羅之下。一切政治法律宗教文藝美術。均有新穎進展。而傳播此文化之交通技術。日盛月新。超邁千古。舉凡山谷之險峻。河海之廣闊。昔所目爲艱險者。今皆納于此變動之中。而夷爲平砥矣。山也鐵路。水也汽輪。陸也摩托。鐵路汽輪摩托之所不及者。則有飛航以濟之。四海之大。五洲之遙。余前後環游二週。閱時僅十二月耳。（留英八年不在內）

鴉片來而吾國之海禁開。外貨侵而國民之經濟蹙。海關被外人所佔。全國之財源以枯。舉國承兵革疾疫之後。救死不遑。奚論開關。民國以還。大盜竊據。藉不便之交通。爲負隅之企圖。于是旅行之困難。十七年中猶如故也。

數年來崑山小隱。潛讀佛書。天相吾身。得此清靜。老友吳兆麟因共產黨挾嫌報復。誣其爲湖北將軍團之一。沒收其在武漢之小房產數間。約余伴之歸漢。圖清黨之武漢當局發還。余難拂其意。又適至契黃吉亭會長在滬。遂樂偕往。十七年夏歷九月十一日晨。與吉亭兆麟宋

如海沈文卿等乘滬甯特別快車赴甯。在上海北站送別者。有王文清周宗碩熊三寶兄弟。顧惠公站長。下午三點四十六分抵下關車站。來迎者有包笑雄邵逸周曹錫祺兄弟及錢維驥先生代表。

十二日。在南京與友人周旋。

十三日晨。由下關登怡和公司之德和輪上駛。船位爲郭禮鈞先生在滬所定。輪行三日。始抵漢口。計上海至漢口水程。凡二千一百華里。

在武漢留十日。郭禮鈞先生因事往重慶。約余與黃吉亭牧師朝峨眉。峨眉在四川南部。普賢菩薩道場。萬佛千山。藏奇挹秀。曩披圖志。久欲往遊。輒因事不果。此度來漢。塵心久潛。亟欲一觀此著名之靈山。與夫三峽之險。劍閣之雄。青城之清。成都之秀。以償夙願。遂以二十四日下午八時乘怡和公司之江和輪赴宜昌。由漢至宜水程計一千四百四十華里。歷金口牌洲新堤城陵磯監利。二十七日抵沙市。荊州在其南。沙市商業繁盛。人煙稠密。輪埠附近。日本商店在焉。

由此乘快船赴宜都。計程九十華里。宜都爲七國時楚之舊都。上通巴夔。下達荆鄂。楚不能

取蜀。蜀巴相繼爲秦所夷。秦兵由巴出。楚都遂倉皇北徙。其在楚之地位如此。漢武帝伐西南夷。路由此出。遂更名夷道縣。昭烈帝改爲宜都郡。令張翼德爲宜都守。陳始改爲縣。唐又改名江州。

杜甫詩。『前聞辦陶牧。轉盼拂宜都。縣郭南畿好。津亭北望孤。』

二十八日。至宜昌。卽由江和輪過美輪。其春買辦王介臣與郭禮鈞先生友善。招待極周。

連日登岸。赴聖公會陳繞樞會長。彭人豐會長。甘文龍教士。胡濟成先生。李翊東監督。向岩局長等之宴。

宜昌爲鄂西之門戶。商務繁盛。又當入川孔道。川人商于此者甚衆。所執之業。出口有烟葉。鴉片。生絲。糖。鹽。牛羊皮。藥材。綢緞。水果等物。進口有江西盜。棉紗。化裝品。洋紙等物。交易多用沙平。四川之七一銀元。與當五十銅元。通行市面。街市之繁盛者。以城外二馬路通惠路一帶爲最。城內則二架牌坊鼓樓街北街亦尙熱鬧。英美日經理商店數家在城外。

宜昌本古之夷陵州。漢置爲縣。秦令武安君白起伐楚。三戰伐西陵而燒先王夷陵。唐劉禹

錫所謂『夷陵土黑有秦灰』是也。應劭曰『夷山在西北。』蓋因山以名縣也。縣有西陵山。郡志云卽夷山也。三遊洞在城西北十五里。卽夷山（今名彝山）之麓。坐小船溯江可至。唐白樂天與其弟知退及元微之曾會飲于此。故名。宋蘇東坡弟兄同黃山谷亦曾來飲宴。歷代文人騷客題詩石壁者甚多。洞爲大石俯合而成。有室一間。供佛及觀音等數尊。司香火之老僧二。對客極謙。前臨大江之支流。流中蹲巨石。阻水不前。水激而下。爲聲淙淙然。

爾雅書院有爾雅臺。爲歐陽修所建。宜昌對岸。名點軍坡。傳爲漢關羽點軍之處。龍潭。天然塔。東山寺。均在城外。城外山上。紅屋洋房甚多。大概皆外商及教會所在地。

宜昌對岸山上。尙有日本仁丹清快丸之鉅大廣告。泊江中及碼頭之汽輪。百分之九十。爲外商產業。

十月初四正午。美商輪數艘。由美兵艦保護。自宜西上。十五里南津關。卽三遊洞之前面市街。又十里。有石龍洞。民國四年夏。大水沖成。土人附會爲僞洪憲之瑞。愚謬至可笑也。又四里。平善壩。自此而上。爲西陵峽之起點。峽中陰晴無定。變化倏忽。風勢猛烈。吹人可倒。白浪翻騰。全江震動。袁崧所謂。『自黃牛灘入西陵界至峽口。一百許里。山水紆曲。兩岸高山重障。非日



中夜半。不見日月。絕壁或千許丈。其石彩色。』形容多所像。林木高茂。草密山深。寂野之氣。迥出塵表。又五十五里。黃陵廟。一名玉皇觀。廟祀大禹。山峯巨石。如屏風。其絕頂有石牛。昂首北向。頭角宛然。又十里。鹿角灘。杜子美詩有『鹿角真走險』之句。又八十里。牛肝馬肺峽。石壁重疊如菌。形如肝肺。其色黃。故云。又二十里。通嶺大灘。地名苗河。輪泊灘上。兩岸崇山峻嶺。風景極佳。石灰岩層如案頭經傳。疎林紅葉。點綴山村。犬吠雞啼。蕭然物外。古人謂『蜀道難。難于上青天』。誠不可執言于機械發明之世也。但以兵匪遍地。苛稅百出。商旅靡不視為畏途。然此一分交通之自由。均藉外力之庇蔭。人不厭亂。如之何哉。

自宜昌至重慶往來之汽輪。構造新奇。船小而馬力極大。已通行往來者。有六十餘艘。十之九爲外國旗。招商局之江慶輪。亦懸法國旗。以避兵匪之騷擾。輪船懸中國旗者。納稅至一元之值。有十元之稅。自川鄂交界至嘉定之航線。須經過八九部分軍隊之防區。即須納八九次之惡稅。尤橫暴者。所謂附加海關之二五稅。因外貨入口稅率。例不得過百分之五。（每值百元之貨抽收五元）上海總海關抽收一次。即可通行全國。中國政府力爭二五者。即每百元增收二元五角也。（只徵外貨之稅率）不知此端一開。內地各埠。即藉此爲敲詐勒索之媒。

既無法再徵外貨。遂反爲苛徵國貨之例。種種留難。漸使國貨日趨消滅。甚至旅客行李。亦被此二五稅之搜刮。嗚呼。苛政猛于虎。民生日就困矣。

初五日晨六時。自苗河拔錨前進。二十里入黃牛峽。岩陡峻。江流曲折。童山濯濯。古語云「朝發黃牛。暮宿黃牛。朝朝暮暮。黃牛如故。」卽形容此曲折也。又四十里新灘。時正八時十分。灘接連有四。曰三灘二灘新灘。小心灘。著名之險灘也。上灘卽入兵書峽。峽壁立可千仞。紅黃色相間。壁頗有洞。大如桌。傳諸葛孔明藏兵書于內。又五里出峽。卽香溪。有居民二十餘家。又號明妃村。蓋爲漢王昭君誕生之地。疎林掩蔭。煤層甚富。山磽瘠尙秀美。一曲琵琶嗟出塞。美人宣力報君王。迴想餘風。曷勝嚮往。杜甫懷古之三云。

「羣山萬壑赴荆門。生長明妃尙有村。一去紫臺連朔漠。獨留青塚向黃昏。一邊地多白草。昭君塚獨青。塚在黃昏村。距綏遠歸化城南三十里。」畫圖省識春風面。環珮空歸月夜魂。千載琵琶作胡語。分明怨恨曲中論。」

又二十里。過秭歸縣城。停輪以俟前行之輪上洩灘。後漢章武元年。昭烈帝自將伐孫權。爲關羽復仇。自巫峽建平連營至夷陵界。立數十屯。與吳相拒。二年夏六月。進軍猓亭。吳將陸遜



屈 大 夫 祠

度帝兵疲。以火攻諸屯。諸軍敗績。帝遁還永安。當日屯兵之所。卽在此地山麓一帶。秭歸故周之夔國。子爵熊姓。卽夔之歸鄉也。魯僖公二十六年。楚滅夔。漢名秭歸。孟康曰『秭音姊』。袁崧曰『屈原有賢姊。聞原放逐。亦來歸。喻令自寬全。鄉人冀其見從。因名秭歸。卽離騷（屈原著）所謂『女嬃嬋媛以詈余』也。史記曰『屈原名平。楚之同姓。爲楚懷王左徒。博聞彊志。明于治亂。嫺于辭令。王甚任之。』上官大夫害其能。因讒之于王。遂被放逐。原作離騷以自見。太史公曰『離騷者。猶離憂也。屈原之作離騷。蓋自怨生也。』懷王受秦詐。不納原諫。卒客死于秦。令尹子蘭又短于頃襄王（懷王子）。原乃作懷沙賦。懷石投汨羅而死。（





逆洄灘急流而上其春

汨羅水在今湘陰之下岳州之上。原死之日。爲五月五日。後人哀原。多于是日作角黍投江以弔。秭歸縣城踞山面河。人口甚少。城內外荒蕪滿目。對岸有極大之煤層。有舊式煤廠二家。城東二十里。有故夔子城。宋王十朋有詩云。

『身乘華輅思熊繹。詞誦離騷弔屈原。城邑舊爲夔子國。人民多是楚王孫。』

漢志『縣北有屈原舊田。名玉米田。雖畦堰糜漫。猶保屈田之稱。』又有屈原舊宅。方七頃。疊石爲屋。地名樂平宅。又東北六十里。有原姊女嬃廟。擣衣石猶存。又有宋玉故宅。其師與居耳。午十二時。其春輪逆急流而上。順利異常。遂過洄灘。洄灘與新灘互爲起落。均以險著聞。下午二時。上流口。





流口亦大灘。但尙平易。不似新灘水流激于江底之亂石而作雷鳴。水花搏擊。高至數丈。最可忧心動魄也。但流口因水觸江底巨石而起之漩渦甚多。汽輪及柏木船（川中大木船名。長可五六丈。容量可百數十噸。）當之。浪及船頭而止。小船當新之。立在漩渦內。受水漩擊而沉沒矣。三時半過巴東縣。縣始于梁。初名信陵。隋改今名。縣南有巴山。一名金字山。縣治依之。層層結聚。一峯分三岡而下。縣之得名昉此。唐戴叔倫詩。『巴山不可上。徒馭亦徘徊。』縣志云。『巴東古丹陽地。上接夔巫。當三峽之中。羣山合圍。江流中激。縣治人口亦少。有商店二三十家。所販賣不過油鹽柴米等。日常生活品而已。城外一望荒茫。對岸有由巴至秭歸之





流口

縣道沿途僅有三五茅舍草屋。五時。停輪官渡。巫峽口也。是日行一百八十里。較昨日少行四十五里。自宜昌至巴東之地質。上層石灰岩。高至二千餘尺。下層間雜以紅砂石。并有煤層及鐵層。兩岸亦有工人利用江流之便。挖煤與燒石灰。鑿石塊者。但僅供本地之用而已。林業未興。只有天然之楓栗與松竹。農業以紅藟（土名紅苕）玉蜀黍（土名包穀）爲大宗。但因不知擇種及增加肥料。收穫因之甚少。江岸有沙土之處。皆種有小麥油麥蠶豆（土名胡豆）。足見山居之民。勤儉可風也。初六日晨。自峽口開輪。進巫峽。峽長凡一百二十里。自官渡西上。十里。火圖石。又五里。楊家棚。又五里。竹流。又五里。野狐山背。又六里。楠木園。又十





巫 峽 中


里。小澗瀨石。又二里。宮內崎。又六里。冷水磧。又四里。金匾担。又二里。排沱。又一里。棺材峽。又五里。培石。川鄂交界地也。舊有川軍戍守于此。鄂軍則守于山頂之火風嶺焉。又五里。白石路。又五里。黃草坡。又八里。沙木灘。又五里。小木灘。又三里。大木灘。又三里。青石洞。又五里。三峽廈。又三里。弱土楚。又一里。碎石灘。又二里。金盞銀鎧峽。因山層方長。石面劈皺而得名。又三里。野蟒洞。又二里。老鼠錯。又五里。橫石溪。又五里。刀背石。又七里。跳石。又七里。梅湖子。又二里。空王沱。又三里。鷄翅勝。又一里。巫山縣。巫峽與秭歸之歸峽。巴東之巴峽稱三峽。長凡七百里。兩岸連山。略無闕處。重岩疊嶂。隱天蔽日。巫山在巫山縣之南。有峯十二。形如巫字。宋玉

高唐賦所謂『妾在巫山之陽。高丘之岨。旦爲行雲。暮爲行雨。』卽此。樂府巫山高。亦本乎此。縣治之北有陽臺山。高可百仞。上有雲陽臺遺址。宋玉高唐賦所謂『朝朝暮暮。陽臺之下。』（讀古音如俯）其卽此耶。（宋玉屈原弟子。爲詞人。與屈原景差同爲辭賦之祖）水經云『此山當抗峯岷峨。偕嶺衡疑。』李白諷明皇入蜀。有蜀道難之詠。詩云。

『噫吁噫。危乎高哉。蜀道之難。難于上青天。蠶叢及魚鳧。開國何茫然。爾來四萬八千歲。乃與秦塞通人煙。西當太白有鳥道。可以橫絕蛾眉顚。地崩山摧壯士死。然後石天梯石棧方鈎連。上有六龍迴日之高標。下有衝波逆折之迴川。黃鶴之飛尙不得。猿猱欲度愁攀援。青泥何盤盤。百步九折縈岩巒。捫參歷井仰脅息。以手撫膺坐長嘆。問君西遊何時還。畏途巖巖不可攀。但見悲鳥號古木。雄飛從雌繞林間。又聞子規啼夜月。愁空山。蜀道之難。難于上青天。使人聽此凋朱顏。連峯去天不盈尺。枯松倒掛倚絕壁。飛湍瀑流爭喧豗。砢崖轉石萬壑雷。其險也若此。嗟爾遠道之人。胡爲乎來哉。劍閣崢嶸而崔嵬。一夫當關。萬夫莫開。所守或匪親。化爲狼與豺。朝避猛虎。夕避長蛇。磨牙吮血。殺人如麻。錦城雖云樂。不如早還家。蜀道之難。難于上青天。側身西望長咨嗟。』



人在輪中。可望見峯之八九也。巫山縣治在山麓。其北城則居山腰。道路不便。行旅甚鮮。商店約有三十餘家。資瘠與巴東相等。出產有水果梨葡萄柚柿橘柑山諸包穀。麥米甚少。水果



大溪口之帆船

出口者。年約三千餘担。江岸峭壁崢嶸。間稍平坦。亦以路削而蕪。山頂青葱之地。多爲土人所墾者。

輪過巫山。正十一時零。二里流石。又二里。炭廠灣。煤層甚富。又五里。紅石梁。又五里。巫磧。又六里。將軍灘。又三里。魚鬚老。又五里。三流子。又五里。拖肚子。又五里。龍寶子。

又七里。焦灘。又八里。寶子灘。又五里。荒張壩。又五里。升子岩。又八里。油札崎。又三里。曹家沱。又五里。軍營河。又一里。餓谷堆。又二里。大溪口。又二里。峽門口。又十里。白黑石。又六里。風箱峽。又一里。倒吊和尚。又四里。孟良梯。又一里。閻王壩。又三里。灤瀨堆。風箱峽卽鑿塘峽之一部。兩山



峙立如門。江面驟狹。仰視蒼天。有如匹練。古有瞿塘關之稱。王介臣買辦約余與黃吉亭牧師



軍營河

費宗之博士夫婦至其春輪之最高層。觀瞿塘峽名勝。北岸石壁之上。有道路一通。峽外戴溪及巫山。(戴溪爲夔巫至施南要道。川鹽糖米運往者。絡繹于道。皆以肩負或擔。)清時鮑超捐廉所鑿。長三十里。頒額四字。曰『開關奇工』。解脫一段蜀道之難。爲功于行人。亦可謂造福無量也。灘瀕堆一石巍然。水涸時高數十丈。下小上大。屹立江中。夏季水漲。但見其頂。土謠云。『灘瀕大如象。瞿塘不可上。灘瀕大如馬。瞿塘不可下。』木船上下。均以此爲候云。明萊瞿塘先生在附近之求溪讀書四十年。始得覺悟。有『求溪三十載。吾道自然孤。』之句。甚矣。山水之感人。也。山上有白帝城遺



白帝城遺跡



址。城爲公孫述所築。後漢昭烈帝伐吳。敗還。入白帝城而病。改名永安。病篤。托孤于丞相諸葛亮而歿。城中有先主廟。唐劉禹錫有詩云。

『天地英雄氣。千秋尙凜然。勢分三足鼎。業復五銖錢。得相能開國。生兒不象賢。淒涼蜀故妓。來舞魏宮前。』

白帝城在唐時尙爲大縣。李白有詩云。

『朝辭白帝綵雲間。千里江陵一日還。兩岸猿聲啼不住。輕舟已過萬重山。』

白去今千有餘歲。山川如故。人物已非。昔之猿聲。已逃避距白帝千餘里之峨眉越嶲諸山去矣。

自白帝城東望。羣山突兀。岡陵起伏。綿亘不絕。上三里。爲魚腹浦。有孔明八陣圖遺蹟。八陣卽『天地





『風雲雷虎鳥蛇』也。圖以小石堆成。水落時可見。杜甫有詩云。

『功蓋三分國。名成八陣圖。江流石不轉。遺恨失吞吳。』小石在夏秋水深疾流中不沒。故甫云『不轉』也。八陣圖上一里。卽臭鹽磧。冬季水枯。南北兩岸。均成沙洲。浮于洲邊之鹽水甚多。居民就洲上。架草爲舍。砌土爲灶。取水置于鍋中。煎乾卽成白鹽。春末水漲。鹽水亦沒。年產鹽約五六百噸。銷本地及施南宜昌。附近有煤廠。大半因煮鹽而採用。又三里。奉節縣。卽世所傳之夔門也。夔春秋國名。熊姓。子爵。摯所封之域也。魯僖公二十六年。滅于楚。楚置扞關。奉節之名。始于唐。以其奉山南東道總管節制也。土產以鹽爲最著。杜甫在夔。寓

甚久。在西閣有詩云。

『歲暮陰陽催短景。天涯霜雪霽寒宵。五更鼓角聲悲壯。三峽星河影動搖。野哭幾家聞戰伐。夷歌數處起漁樵。臥龍躍馬終黃土。人事音書漫寂寥。』

又登高詩云。

『風急天高猿嘯哀。渚清沙白鳥飛迴。無邊落木蕭蕭下。不盡長江滾滾來。萬里悲秋嘗作客。百年多病獨登臺。艱難苦恨繁霜鬢。潦倒新停濁酒杯。』

過奉節。已爲時五時餘。上十二里。寸千磧。又十里。觀武陣。又五里。關刀峽。又六里。漫流三沱。又五里。篙竿灘。又十里。安坪。又十三里。黃石嘴。又三十里。三塊石。三塊石之上。爲啞吧灘。灘側鑿石爲塔。川人弄船者。有『水浸寶塔脚。行船休要錯。』之謠。蓋以此測江流之淺深也。又十里。二道溪。又十五里。思莊子。蓋古人懷弔屈原之地。又十九里。東洋子。水流急陡。江狹而水深。江底巨石激水作漩渦。大可一二十米突。駭浪喧騰。排空怒號。怵人心目。聞木船在此爲漩水所擊沉。及受輪船高浪趨避不及墮沉漩渦者。年可數十隻。又十四里。半邊街。美輪宜賓。彝陵。其南及美淺水兵艦均停于此。其春亦就泊焉。是日。天氣清明。凡行三百六十餘里。



初七日。晨七時。開輪。四里。大砂霸。五里。寶塔子。自此轉角。雲陽縣已在望。又五里。卽雲陽縣城。雲陽。漢縣。原名朐腮。又名雲安。唐名雲安監。宋名軍元名州。明始更名雲陽。清因之。以其地兩山夾江。四時多雲。而縣當山水之陽也。對岸有桓侯廟。祀漢張飛。樹林環抱。金碧輝煌。雲陽城甚低。夏秋水漲。傍江之街。水可沒足。人戶甚少。江流至此。急而深。有小河二。入注于江。上二里。二郎灘。又十二里。三把溪。又八里。大五里。又十一里。興隆灘。水聲如雷吼。川江大灘也。兩岸水層。岩多夾鐵層。天氣溫和。農業甚盛。雜糧已收穫。不及見。紅蓍與甘蔗極多。山地開闢至頂。高下爲層。麥苗青秀。一望皆綠。書聲出自茅舍籬落間。似與叱犢聲山歌聲相應。

桓侯廟



客。怡怡自樂。不識外情。蚩蚩山民。古風尙在。惟地方官吏。貪詐成習。敲剝是尙。民無完膚。惡風所及。無業流氓。競爲棒客。（川中土匪也。以其初尙無用鎗者。劫人惟手執木棒爲械。因名俗。又呼爲棒老二。）橫行却殺。竭盡慘酷。山巔水角。亦難倖免。與鄂交界之地。神兵棒客。互相爲害。官吏亦不過問。民生益加痛苦矣。由灘而上。八里。下岩寺。又五里。打魚磧。又五十八里。弔林灘。又六里。虎頭磧。石磧昂偉似虎頭然。又八里。紅砂磧。又五里。萬縣。興隆灘。上遊四十里。有水曰小江。其南爲盤沱。小江之水。由開縣東西二源至趙家場。受網維溪之水。出注于江。沿江農作物。以紅諸玉蜀黍。麥。甘蔗。水果如柿。橘及桐油等亦甚夥。居民甚勤樸耐勞。但教育極低落。鄉村政治及一切之中心。均由前清秀才輩主之。自宜昌至萬縣。沿途甚多上水之柏木船。船之容量大。大多運載桐油。鹽。油。糖。米。茶。蔴等至宜。糖鹽藥材之船。有直至沙市。間亦有放漢口者。上水所載。以盜器爲多。四川需用之盜。盡爲江西出產。川商採買。率在宜昌。川江航線行汽輪。盜商裝盜運。輪船上下。以木槓盜。破碎極多。盜商于是仍由木船運載。但盜雖碎。盜商仍不能虧折。因川中富有之棺材。類皆以碎盜灰和漆漆棺。可發軔光而歷久也。上行風常反覆。不任帆船。行均以竹梗爲纜。繫于船桅。以人拉之。拉者肩一雙環之繩。上結一扣。扣着纜。結而

弗脫。船小者三五人。船大者三四十人。拉纜行于岸。其行胸常伏向前。有時伏且及地。多不着禪。有時行水中。行止由船首之人司之。船首之人。手一竹竿。長尺許。高呼新奇之『杭育』聲。間雜俚歌。一聲既竟。拉纜者羣應和之。船之轉折。船尾之梢子（土名太公）任之。充此職者。非老于水性及江流狀況者弗勝也。船中人什九吸鴉片嗜賭。拉纜之人。類皆別地盜竊匪類。犯罪而不敢外出者。則來充此作。由宜至重慶。約行一月或二十日。可得工費川洋二元。至二元五角。（食在外）此輩所得之疾。與人力車夫相等。什九患痢疾及腰痛。（俗名內傷）上行船日食五六餐不等。行可日三十里。止時船上擊鼓。衆即立止。船上供有神。名楊泗王爺。朝晚必焚香致敬。每過灘。必先焚香燭敬神。在灘上或遇險。羣必大呼『王爺』。一如基督教徒之呼『天主』焉。其食甚粗礪。月之初二十六有肉食。船裝貨之地。有鷄一。于開行前。殺以祀神。後即以饗衆。大船船主。船多爲其產業。（一船值三四千元）其妻女子媳。類多服務船上。春冬由宜沙返渝。夏秋由渝下放。下行七八日可達。上行則非二三十日不可矣。

楊泗王爺。傳爲宋時人名。太一名么。聚洞庭湖爲盜。擁衆數萬人。與劉豫通。欲順流而下。宋高宗令岳飛討之。太赴水死。後爲神。江湖船戶皆祀之。曾國藩與太平天國戰。敗績。曾

憤而投河。在靖港（長沙下游六十里）遇救得不死。港口有楊泗將軍廟。有人題一聯云。  
『此水太無情。自殘同種曾國藩。溺而不死。

其人能獨立。不逢飛渡岳武穆。成則爲王。』

抵萬縣時。正下午一時半。停輪上煤。而各種檢查船客之機關人員。不勝其騷擾。足過于華工被戴文明而行野蠻之歐洲人之留難一二倍。萬縣本漢胸臆地。蜀漢更名南浦。梁名萬州。以地居四達之衝。衆川之統會也。後周名萬川郡。城治尙存梁山。唐宋復名萬州。明改縣。縣治西。有人存山。四面懸壁。周圍數十里。一名萬戶城。縣之得名。或又以是。駐此者爲楊森。修橋補路。建築公園。大修江岸。街道清潔。頗有可觀。惟街上往來兵士極多。而巷口街頭。步兵放哨。背大刀。宛如戰線上臨敵嚴狀。街中各店所陳之貨。以洋貨爲多。國貨幾絕迹。惟水果核桃紅橘與柚。爲時頗佳。柚之味尤不亞于著名之蓬溪柚云。煙土與煙槍。似爲國貨之特色。而煙燈玻罩。尙日本製造。人種亦甚清秀儉樸。面帶煙色者甚衆。工人以拉黃包車抬轎爲生活者。佔十之八九。城外南津街。爲商業最盛之所。燬于十五年九月五日英之炮火。先是英商輪撞沉民船。不理交涉。楊森乃將輪扣留。英艦二艘。由宜渝來。開炮轟擊縣城。及南津街。燬壞商店。



民房千餘棟。死者七百餘人。傷千餘人。世謂之「萬縣慘案。」

名勝古蹟。有太白岩。在南津街後。岑公洞在對岸陳家壩。甘霖洞在兩層橋後。流杯池在青羊宮前。印盒石在萬州橋下。天生橋



有石鐫之「響雪石琴」四字。在萬州橋下。高三丈餘。以石疊成。西山有黃山谷字碑二。鐵鳳山寺有大鐘。傳聲可達萬雲開三縣。旁有井。井側有樹。大二十餘圍。葉細花黃。花向某方開者多。則某方年稔。屢試不爽。世謂仙人鑄鐘時。棄餘鐵于井。鐵氣發洩而生此樹。因名樹曰鐵樹。慈善團體。有

恤孤堂。安懷所。醫藥所。全貞會。義塚會。育嬰社。萬縣有銀行三。錢店十五。工廠六。海關一。信局二。戲院二。教堂三。美孚有油棧一。



鄭谷寄南浦謫官詩。

『白馬爲遷客。青山遶萬州。醉欹梅障曉。歌壓竹枝秋。望闕懷鄉淚。荆江水共流。』

宋時陸游（放翁）有偶游之咏詩云。

『硤中天下最窮處。萬州蕭條誰更顧。南浦尋梅雪滿舟。西山載酒雲生樓。』

初八日晨七時輟自萬縣發。六十里。大溪口。兩岸亂山重疊。崇林翠竹。掩映人家。山頂或青或紅。爲麥及鴉片種植地。又三十里。武陵磧。又三十里。石寶岩。石高數丈。屹立江心。依石壁建樓。九級。彷彿塔形。又十五里。官溪。有人家五六十戶。一山鎮也。又五里。折魚灘。有石嘴橫插江心。水流湍急。魚不能上。往往折回。又十里。猴子灘。傳舊有猴子聚居。明初人衆殺猴。猴遠避。今且絕跡。聞有來者。多秋深穀熟時。猴乘人不覺。潛入玉蜀黍中。拉莖徑折。折取一包。（俗呼玉蜀黍在。未脫葉包護時。一株爲一包。）輒挾脅下。手一上伸。脅下之包已墜落。猴不知也。竟折竟墜。依然只有手內之一包。猴怒。連折帶打。故所經之處。無一完好者。以是農人恨之刺骨。遇之非獵取之不止也。又十里。福星場。又二十里。忠縣。忠縣本巴地。『周末。巴蔓子。巴國人。仕爲將軍。國亂。蔓子請師于楚。許以三城。楚已救巴。遣使請城。蔓子曰。藉楚之靈。克濟禍難。誠許楚。』

王城。可持吾頭往謝。城不可得也。乃自刎。使者以蔓子首報楚王。王曰。使吾得臣如蔓子者。何用城爲。乃以上卿之禮葬其首。巴亦舉其屍。以上卿之禮葬于施州。漢末。劉璋使嚴顏守巴郡。爲張飛所擒。顏曰。『有斷頭將軍。無降將軍。』飛怒。命斬之。顏色不變。曰。『殺卽殺。何怒耶。』飛壯而釋之。由此忠烈表著。州因以名。後周及隋均名臨州。唐名忠州。明清仍之。民元改縣。唐順宗時。白樂天謫居于此。鬱鬱不得志。託詩自遣。曾咏草云。

『離離原上草。一歲一枯榮。野火燒不盡。東風吹又生。遠芳侵古道。晴翠接荒城。又送王孫去。萋萋滿別情。』

又宮詞云。

『淚盡羅巾夢不成。夜深前殿按歌聲。紅顏未老恩先斷。斜倚薰籠坐到明。』

杜甫于永泰元年去成都。過此。有書懷之咏。詩云。

『細草微風岸。危檣獨夜舟。星隨平野闊。月湧大江流。名豈文章著。官應老病休。飄飄何所似。天地一沙鷗。』

明末。奢崇明叛于重慶。進陷成都。四川巡撫檄秦良玉討平之。良玉忠州人。石砮宣撫使覃

千乘之妻也。萬歷廿一年。千乘從征播州夷。良玉率千人以從。連破七寨。千乘因事死。良玉代領其衆。充總兵。饒胆智。善騎射。兼通詞翰。儀度嫺雅而馭下嚴峻。所部號白捍兵。爲遠近所憚。奢崇明叛。遣使以金玉結援。良玉斬其使。發兵轉戰平之。詔封夫人。授提督。良玉上言『總兵李維新一戰敗。岷回營。閉門拒臣。不容一見。以六尺鬚眉男子。忌一巾幘婦人。靜夜思之。亦當媿死。』莊烈帝優詔報之。崇禎三年。召見于平臺。賜綵幣羊酒。賦四詩旌其功。有『桃花馬上。一紅顏』之句。張獻忠破楚。將入蜀。良玉陳守蜀之策。并圖全蜀形要于川撫。不見用。賊入川。良玉欲討之而無兵。乃守石砦。賊不敢犯。川民爲賊屠戮殆盡。石砦一草一木。皆得保全。獻忠死。良玉始歿。亂世忠貞。愧今人多矣。忠縣有口約三十萬。縣境山九倍于田。近年盛種鴉片。馳名全國之榨菜。以此地所產爲最多。連年被兵。瘡痍滿目。商業蕭條。下午二時。鼓輪西上。三十里。烏羊鎮。又三十五里。羊渡溪。有居民五六十家。天已薄暮。輪遂泊于此。是日天晴。凡行二百四十五里。

初九日。清晨七時。輪繼續前進。二十五里。鐵門灘。水淺而急。吼聲淒厲。浪花如白雪。亦壯觀也。又五里。高家鎮。又三十里。豐都縣。縣爲漢枳縣地。東漢和帝分置邑。名平都。縣東北有平都。

山。卽道書七十二福地之一也。後漢更名臨江。隋改名豐都縣。唐屬南濱。明易豐爲豐都。邑曰豐陵。里曰豐樂。皆本此山而名。明以前。世俗卽相傳豐都爲地獄。郭子章曾辯駁之。清仍明稱。縣治在山麓。山上有空城。爲居民夏季避水之所。有豐都廟。廟始于明。原爲觀。廟左有五雲洞。洞側爲冥王廟。祀十王。（一秦廣二楚江三宋帝四五官五森羅六卞城七泰山八都市九平等十轉輪。）無稽之談。傳世甚多。川人好迷信。有「四川邪魔地宜假不宜真」之謠。媚神者宿于洞側僧舍。有託辭見神見鬼以炫衆。甚且謂街市交易。往來所得之錢。必投水盆以驗真錢與否。百十相傳。言之鑿鑿。一若真似者。其謬妄至可笑也。九時。輪由豐都上駛。十里。觀音灘。灘長十五里。水小尙平安。又三十里。梨市鎮。年產梨千數百擔。又二十里。南沱。又十里。珍溪。有小溪流來注。又三十里。青溪場。又三十里。涪陵縣。漢書云「涪陵出丹注巴」。漢志云「涪陵巴郡之南鄙。從枳南入折丹」。涪水本與楚商於之地接。漢時。赤田軍嘗取其民。後漢名涪陵郡。隋名縣。唐名涪州。涪江在城西北。來自嘉陵江。北入岷江。由湖北施南。及貴州安縣東部。發源而來之黔江。繞縣城東南。而入注于大江。船如櫛比。附于城下。竹筏甚多。大江至此折而西。至三十里之李渡後。折而南。又三十里。蘭市場。又五里。生沱。大江又復折而北矣。輪停不復進。是日



天陰微雨。霧氣濛濛。兩岸山村較密。竹木更多。葱籠秀鬱。清雅宜人。無一寸土不比黃金貴也。初十日晨七時。自生沱開輪。二十五里。石家沱。又三里。張爺廟。及桓侯不語灘。昔時行舟。皆屏息股慄而過。相傳如有人聲。則「江流噴湧」。一語殊不經也。又二里。爲長壽縣城。縣楚黔中



山道之石橋


里。扇背沱。又二十五里。羅磧。又三十三里。黑石灘。亂石堆積。頗碍舟行。又三十五里。驛沱。又十五里。烏羊鎮。又十五里。唐家沱。市鎮不大而商務繁盛。護商局（內地稅卡之一）有分局一。月收三四萬五六萬不等。又二十里。大佛沱。南岸有石佛高數丈。江中遙望。氣象崢嶸。又十里。抵

地。漢置爲枳縣。唐更名樂溫。明改今名。因縣東北七十里有長壽山。故縣城依山蜿蜒而成。人家甚少。縣中文武廟均在山上。遠望甚壯。觀城外小峯上有文昌閣。甚雄偉。

山後有由萬縣至重慶之道。崎嶇山間。荒蕪失修久矣。輪西行三十



重慶江心一瞥



重慶。恰正下午二時。此輪無碼頭。泊江心。卽偕郭禮鈞先生坐小划登岸。寓萬國儲蓄會。郭先生之住宅。（在大樑子）是日行二百一十三里。柚黃橘綠。滿樹成金。殊快胸臆。

重慶在周爲巴子國。秦置巴郡。漢末劉璋改爲永甯。晉更巴都郡。隋唐渝州。唐南平郡。宋恭州。後名巴州。陞重慶軍節度。以其地介紹慶順慶之間也。明改府。又置爲巴縣。因閬水（嘉陵江）與白水（揚子江）合流。曲折成巴字。故名。縣城三面臨水。形如半島。人煙稠密。建築雄壯。街道清潔。物產豐饒。人口約七十萬。據長江上游。爲四川之第一商埠。雲貴各省貨物多由此轉運。川中貨物全由此出口。商業之盛。冠于全川。與江北縣城。隔江相望。對岸彈子石。有日本租界。縣城係鑿山而成。與

香港相似。街市高低不平。難以行車。（近來修馬路環山而上。但尙未成功。）代步通用轎子。居民服食奢侈。飲食調味甚佳。飯菜中多用辣椒花椒。有商業場一。（最盛之街。爲陝西街。都郵街。白象街。多爲書店及外商所在地。）戲院五。影戲院三。公園二。學校大小五十餘。川東師範爲巨擘焉。銀行十餘。以聚興誠營業極佳。醫院七。英德美法日各一。工廠十七八。西餐館四。中餐館四五十。茶館大小以百計。日報大小七八家。通訊社三四家。書店除商務印書館中華書局外。尙有八九家。印刷店能印五六華尺巨幅之印刷品。商店除日用品奢侈品業外。進出口莊最多。出口以鴉片煙爲大宗。每年出口約四千萬元。而雲南土經過重慶者。不過百分之二十五。次爲桐油。每年出口約三千萬元。以重慶長壽萬縣爲出口之地。再次則爲藥材。年出口約二千萬元。再次爲牛羊皮。年出口約一千五百萬元。再次爲絲綢。年出口約一千萬元。鹽出口額與絲綢相等。至紅糖蔗水菓雜物年出口額。約在一千萬元上下。而入口洋貨。超過出口至鉅。單是美孚亞細亞二洋油商。年銷川省三千萬元有奇。棉紗亦如之。其他五金雜貨消耗品等物。稱是。四川自流井（富順縣屬）與川邊之洋油礦。居世界第一。而煤鐵與石灰石則更甲天下。誠所謂山國之雄。苟能自製機器。開闢富藏。大造水泥。廣設工廠。則萬國無敵也。



四川東部開江梁山。西部溫江郫縣雙流等處。俱有廣大原野。或十餘萬方里。或萬餘方里。或數千方里之廣闊而積。土質均極肥沃。卽巫山奉節酉陽秀水黔江彭水雷波屏山峨眉懋功理蕃松潘……等處。雖萬山叢挫。而一片青翠。天地相連。不特宜于森林牧畜。亦可種麥薯及稻黍。且饒于藥材礦產。他省之童山赤地。寸草不生者。在四川則爲罕見。且物無不備。備無不豐。寒熱溫三帶物產。在他省之所無。或不能生長收穫者。在川則均應有盡有。最近十餘年間。歲歲戰爭。年年剝削。外人經濟侵略。隨百十汽輪日夜輸出。普通生活。日見高漲。但餓死之事。仍屬罕聞。若能停止內爭。人民復業。開發寶藏。供給人類。國本民生。豈難解決哉。

四川歲入。在前清年約三千萬。近年收入繁重。爲古未有。估其數。當在一萬萬以上。予本製有川省詳細收入表。因限於篇幅從略。

四川歲出。以軍費佔第一位。民國二年。四川有軍隊五師。支出達七·〇四三·八三三元。現在兵額擴充至七八十師。例增數目。當在一萬萬左右。宣統四年。四川外交內務財政教育陸軍司法農商交通各種年費。計共一三·二二九·一九六元。民國二年。支出共一一·八二二·九六九元。民國三年。支出八·九八五·四〇一元。民國五年。支出一〇·八七六·二九七元。民

國八年。支出九·九九五·八四八元。

四川人口在滿清光緒十八年調查有七二·九三〇·〇〇〇人。民國十一年。郵局調查。僅四九·七八二·八一〇人。十七年。郵局報告。除西川區內道孚打箭爐等五處未列入外。計有五二·〇六三·六〇六人。郵局調查。并不精確。此統計不足爲憑。查嘉慶十七年。四川有人口二一·四三五·六一八人。道光二十二年。有人口二二·二五六·九六四人。庚子變難後公佈。有六八·七二四·八九〇人。民國七年。有七一·四五六·〇〇〇人。同年海關報告。則爲七二·九三〇·〇〇〇人。則道光二十二年至光緒十八年。爲時不過五十年。人口增加。已能超越三倍以上。光緒十八年迄至現在。又將四十年。照前例至少當增二倍以上。（即一萬四千餘萬）斷不至反減少七分之二弱也。川省在明以前。亦爲村落制度。（同姓聚族而居）後經流寇之難。死亡逃徙殆盡。地皆荒蕪。清初令湖廣人民填川。雜居獨立之習。兼以山明水秀之靈。遂毓成今日活潑強毅富有獨立性之川人。但因川江直流疾下。一無含蓄。地靈所感。致多數川人行動思想。皆缺乏涵養矣。

川中軍隊。太無紀律。官長扣餉自肥。部下因而作惡。奸殺劫掠。層出不窮。相習成風。兵匪如

一次則苛捐繁重。阻滯運輸。防商偷漏。甚于防匪。甚至因一言誤會。竟阻貨物。或至扣留旅客。而對外商。或其保護之物。則極端恭維。罔敢逾犯。為淵驅魚。為叢驅爵。是以近年川省商務。漸歸外人掌握。境內交通不便。加以戰亂相尋。土匪騷擾。以致彼地過剩出產。往往坐視其腐爛。而此地則缺乏需要。人民失業。轉徙流亡。餓斃日漸增加。亦四川年來多兵匪之故也。民團首領。擁槍稱雄。派餉勒捐。與軍隊無異。人民無法律之保障。懷璧其罪。川人有之。而幣制之紊亂。尤達于極點。各軍師旅。均能設廠自鑄。計有廠十七處。所出之幣。竟達二十餘種。茲就四川現行之幣。列表如下。

種類	名稱	形狀	行使區域	流通數目	價值
毫洋	雙毫	一面有20形	叙府富順自流井 隆昌內江	百數十萬元	每五枚合市洋一元大 洋九角二分
	龍毫	一面有龍形	瀘縣合江納溪	三四十萬元	同 上
四川半元	老川半元	一面有十八圈圍 中一篆文漢字	成都重慶及附近 之縣	數百萬元	每二枚合市洋一元大 洋五角至六角
	新川半元	同 上	同 上	一千餘萬元	每二枚合市洋一元大 洋四角至五角
	雜板(劣幣)	同 上	都 成	三千餘萬元	每二枚合大洋二角至 三角



雲南半元	全龍半元	一面鑄滿文一面鑄龍形	通用（但重慶以下不用）	數十萬元	每二枚合市洋一元大洋九角二三分
半龍半元	有龍無滿文	同	上	一百餘萬元	同
唐繼堯半元	有唐繼堯肖像	同	上	數十萬元	同
銅板	與半龍半元同	川南各縣通用		百萬元	同
漢字大洋	形同廠板	用		千萬以上	合大洋九角餘
老龍洋	滿清所鑄	普通大洋以此為標準通用		數十萬元	
偽造漢字大洋		不	川	十餘萬元	值大洋七八角
人頭大洋	袁世凱像	通	川		為大洋標準
湖北江南北洋雲南等大洋		通	川		為大洋標準
造字人頭大洋	一面有袁世凱像一面有一造字	不	川		
銅大洋	雲南造	不	川		
老二百文	一而鑄嘉禾直徑為五生米突	重慶以上通用			每枚常制錢二百文但遠縣合江只作百四十文用
新二百文	直徑約3.5生米突形式同上	成都重慶附近通用			同
老一百文	直徑約4生米突	通用成都附近有用當一百四十文者			每枚當二百文

新一百文												
直徑約3生米												
成都重慶附近通用												
同												
上												
五十文												
直徑約5.5生米												
通川至湖北宜昌												
省內幾絕跡												
每枚當五十文成都附近												
近有當一百文用者												
每枚當百二十文												
同												
二十文												
直徑約3.3生米												
大小與外省同												
很少												
十文												
大小與外省同												
形式不一												
途寧等縣用												
很少												
銅元瓣												
形式不一												
途寧等縣用												
很少												
制錢												
前清所鑄												
通												
用												
很少												
十文												
與北平所用本子相同較制錢稍小												
不通川（各縣商會所鑄）												
同												
五文												
同												
廿文												
印烙字于上												
不通川（小鋪私用）												
同												
十文												
同												
五文												
同												
四文												
同												
二文												
同												
一文												
同												
照字使用作買賣找零												
川												
錫幣												
竹幣												

幣

鈔票

形式不一

千萬元以上

執照

形式不一

鄉僻小縣不用外人及商家銀行所發行者尙通用

偽造太多已禁止流行

銅元票

形式不一

照字面行使

鄉僻地方維持市面之用

余到重慶之日。因同船之費宗之博士。新自猶太耶路撒冷宗教大會歸。其友唐步瀛（字殿丞）爲重慶衛戍司令王陵基之參謀長。由費博士之介紹。得與軍政當局。說佛法。

次日。參觀市街。陝西街一帶前曾燬于火。現在市房崇闐。皆新建築者。

全城飲料。除有少許就地鑿水井外。大半仰給于江。用抽水機抽入山頂。由人力挑送于用戶。水濁甚。全城之廁所。既小且臭。甚矣中國人之講進不講出也。南紀門外。有宜園。通遠門外。有魏園。桂花園。及前著名之張家花園。皆爲私人園亭。而可供公衆游覽者。通遠門西上十五里。爲浮屠關。高踞山巔。川軍歷年。均以此作得失重慶之判斷。攻既不易。守亦困難。對岸爲銅元局。鑄造值二百文一枚之銅元。并鑄大洋五角等幣。每日可鑄大洋四五千。銅元五六萬。劉湘所有也。銅元局之下。名兩路口。爲重慶至雲南之大道。大道之上爲真武山。山側有老君洞。



金甯峽銀甯峽獅子山人頭山歌樂山塗山等名勝。重慶至成都。大水之際。小輪可航至距成都平原三百五十里之嘉定。凡一千一百九十華里。再啓陸赴成都。由嘉定至重慶。乘小輪。需船資。統艙九元。房艙頭等廿七元。二等十八元。上水加倍。由重慶至宜昌。統艙十五元。房艙三十元。官艙（大餐間）五十元。上水亦加倍。由重慶啓陸至成都。經永川隆昌榮昌內江資陽資中簡陽等縣。凡一千零廿華里。自重慶橋坊僱二八轎。約需洋三十元。三人轎加十元。逐途乘滑竿。二十元可達。所經之地。多山。榮隆二昌永川等處。道路在兩山坳或山傍。森林叢密。藏匪亦多。有運貨物之信局。如轉運公司性質者。名麻鄉約主人陳姓。連資華斤百五十斤約需九元餘。由重慶至雲南至貴州均陸行。路峻而匪多。行者非有軍隊保險。不易通過也。重慶有祠廟七。以夜雨寺（在通遠門外）爲最大。第一山（大樑子）之長安寺。有佛教社及研究佛教之學校。有清真寺二。天主堂一。福音堂五。眞原堂一。慈母堂一。若瑟堂一。重慶之氣候。華氏寒暑表。夏季最高九十餘度。冬季最低三十餘度。江水至四月漸漲。六月爲洪水期。往往淹閉朝天門。水深時。且可由朝天門城樓進。民十。城外之居民。被水飄去數百家。死數百人。八月水漸落。雨以四月八月爲最多。七月之水。川人名曰矮子水。霜雪平地甚少。惟高山有之。

第三日。楊森之總參議周代本（字稻孫）約往參觀其主辦之新記淑和絲廠。絲廠總理鄒列三先生親來郭宅迎余。十一時。偕郭禮鈞先生伯仲黃吉亭會長費宗之博士同往。至晚方歸。憩未幾。即聞重慶公園附近大火。延燒三百餘家。重慶市街均依山建築。山高水遠。又無自來水可引。火一着風。撲滅不易。當搬移貨物呼號雜沓之際。踏死兒孩數十人。傷者甚衆。死于火者。次日猶未得確數。公園外陳尸未殮。母哭其子。婦哭其夫。哀聲震地。慘不忍言。負市責者。其當亟辦自來水爲市民謀安全。以修積不朽功德也。

第四日。唐殿丞請吾輩晚膳。座設于其家。來賓皆軍政界人。羣賢皆提倡佛學。研究上乘。以慈悲處世。主張免死刑。施仁政。并組織六齋日。聚會軍政要人。共守六齋之戒。劉湘與王陵基唐殿丞皆爲提倡之人。如果上行下效。仁風自必大扇。吾信不淫不殺不盜之佛法實行。而綁票殘殺共妻之禍可立滅。并可以爲中國保存一片乾淨土。誠哉。挽回劫運之一大喜信也。

第五日（星期）重慶自立教會請黃鏡亭牧師黃吉亭會長費宗之博士說教。正午。王世才先生備筵素食。又小大字自養美道會堂劉子如毛宅三田海源連雅各楊法三王烈光請宴。迭據多人談論。謂四川軍人均愛錢不作事。民五以前軍人聚斂。至多不過十餘萬。今則多至

千餘萬。少亦三四百萬。軍需處長刮至百萬以上。縣知事徵收局長任職一年。可刮三四十萬。就軍人中比較。楊森雖愛錢。但尙愛作事。彼曾擬鑿開重慶西門浮屠關之山爲江。使岷江嘉陵江包圍合流。以利船舶。另于大樑子（重慶城中最高處）架鐵橋二以過江北縣及彈子石。（約長八九里）脩築江北至唐家沱四十里之江岸。建造新商埠。重慶城內之市街。則仿香港青島式。修馬路通至山頂之計劃。後因戰事而停止。瀘州成都萬縣辦市政。修馬路。拆城。擴大通俗教育。劃肉稅爲教育經費。主張男女同學。提倡林業。發展工藝等。于川民有益之事。均彼所舉行。對于人民自衛之民團。尤死翼不遺餘力。故在今日有兵卽有匪之區域。人民亦稍能自衛者。不可謂非楊森之厚賜也。至于支持川局。排去客軍。使川人不受亡省之辱者。厥惟熊克武一人。有德于民。功當不朽。聞川人尙念念不忘之。又謂號稱革命軍之政府。及一班依黨爲勢之青年。動排以外貨。自命愛國。惜其所愛非中國。乃外國耳。自排日貨以來。日輪停止輸送。而由美英法各輪代輸。中國商船。皆被軍隊壓迫。關卡留難。土匪攔劫。外輪則平安無事。于是中國商人之貨。亦不得不由外輪運輸。甚至中國船商所需之貨。亦由外輪代運。自願停業。而外輪則故高連資。什百倍其利。川省船戶。在滿清宣統二年。有一萬五千五百三十七戶。



以一家夫婦子女四口計算。當有五八・二四八人。其餘如橈販（搖櫓者）繚夫（拉纜者）舵工等人。與船戶每爲十五與一之比。此外以造船爲生。如木匠鐵匠篷匠篾匠縫工牽索匠。賴船爲生。如脚夫（卽苦力）雜貨店飲食店布店宿舍店等。人口當不下百萬以上。自受汽輪之打擊。因而失業餓斃流徙者。不知凡幾。船戶能生存者。已減少十之八九。僅有此些微挹注之中國船商之營業。亦爲此輩愛國之故。而受莫大之損失。至于一班新式貪污官吏。急起直追。搜劫更甚于老軍閥老官僚。一絲一粒。皆存外國銀行。直接間接。惟恐外人不早滅中國者。嗚呼。若輩之愛國。非真愛國也哉。

十月十五日。清晨五時。自重慶向成都。出千斯門溯合川而上。揚子江至重慶而成巨大之水流。其南流由甘肅以西崑崙以南發水爲岷江。南行至嘉定受大渡河之水。東南行至宜賓。受由西藏須彌發水至鹽邊受鴉鶯江之水。東行至雲南折而北爲金沙江之水。然後合而東行。至瀘縣。受岷江分流沱江（外江）之水。及叙永之水。又東北而東南行。至合江受赤水。折而東至綦江。受綦河之水。合于重慶之朝天門。北流爲由平武北川綿竹發源而來之涪江。及由青海天山之南發源經甘肅入川之嘉陵江。由萬源儀隴南江發源而來之渠河合注于合州。

之水。涪江發源。禹貢謂爲『蟠冢導漾』是也。至合州前。與嘉陵江合。謂之墊江。又名內江。蓋重慶上瀘州謂之外江。上合州謂之內江。杜甫送十五弟使蜀。有詩云。『數杯巫峽酒。百丈內江船。』渠河古名渠江。在巴州名宕江。渠縣有山。名宕渠山。勢極崇峻。險不可躡。東西二石門。可以出入。山澗狹而長。有類溝渠。故名。山之麓有石刻宕渠二字。縣因以名。嘉陵江一名圓水。由陝西鳳縣入嘉陵谷。至閬中。吳道子畫嘉陵山水。所謂『嘉陵山水冠天下』。杜甫詩『閬中勝事可斷腸。閬州城南天下稀。』方輿勝覽謂『蜀有三秀。眉秀于山。圓秀于水。普秀于石。』此江之美。蓋可知也。是晨大霧。迷江。待于城下之天新小汽輪。延至九時方開。先由唐殿丞參謀長代包一全艙。同行男女主僕大小共二十人。行三十里。江流漸清。五十里。磁器口。又七十里。土沱。又三十里。黃桷樹。又三十五里。草街子。由重慶陸行至合川。須由此渡河。又三十里。沙溪廟。又四十里。合川縣。已午後九時矣。是晚寄宿福音堂。合川舊名合州。魏所名。古巴子國地。隋名涪陵郡。唐改爲巴川郡。元更名赤水。清仍明名。合州因渠河涪江嘉陵江三水至此合也。市政甚善。馬路極清潔。有新氣象。城外南津街。爲商務發達之區。最盛之商業。爲鴉片與妓。桃片糕最有名。

十六日。清晨五時。自合川陸行。乘轎起程。一時半。抵大河壩。七時抵潼南縣。由合川起。三十里。雲門鎮。又四十里。大河壩。又四十里。野貓溪。又三十里。潼南縣。是日凡行一百四十里。大河壩爲漢安居縣故址。今尙有安居里安樂里安正里等名。皆取安甯攸居之義也。縣于清時廢。潼南民國置。割銅梁遂甯之地而成。縣城有人家三四百戶。無城。街已翻脩馬路。是日沿途所經。農業均發達。上至山巔。下至江濤。無一寸土不治。就土爲層。團團如窩狀。山頂間有堡壘。雉堞女牆皆具。云爲清時民間避亂所築。潼南縣後山上有一較夫。自合至潼。道路不寬而整。平石作長線。雨中行石路。足不易滑。轎夫什九吸鴉片嗜賭。勞動血汗之資。輒付之烟賭。烟癖深者日僅一飯。有時雖乏飯資。彼亦弗顧。質衣及轎爲烟資。夜晚則就客店求顧主。得則以顧主之定資爲贖衣轎之具。但彼之行止非常遲慢。行旅厭苦之。彼輩兼善挑擔。在昔東大路（由成都東門至重慶）北大路（由成都北門經陝西入北京）上。靠肩挑背負而食者。無慮六七萬人。今則悉充槍下之鬼。（軍隊拉夫防其逃。待遇極苛。拘押如囚犯。出發前三五日卽拘入獄中。行有荷槍持鞭之兵從。晚又拘入一室。步履稍遲。鞭撻立至。或且以刀穴其腕。貫以鐵絲。什五爲一連。往往行二三日。不給一食。川中年年作戰。似此而死者甚多。）及失業之殍。（北大



路衰落後。此輩惟靠東大路。近來成渝汽車路逐漸脩成。舊路艱險多匪。輸運漸歸天然淘汰。蓋暮營朝食。昔時已感困難。一遇冬令。死亡累累。（此輩之衣。鶉懸百結。飢寒所驅。不死何待。）然川人失業者。千萬成羣。此不過萬分之一耳。潼南物產甚豐。米能出口。人口亦密。當局勒捐。年徵糧稅地丁至一百餘萬。糧徵至民國三十三年。強收房捐。加征畝捐。紳民棄田屋而逃者甚多。

十七日晨五時。自潼南乘轎行。五里大佛寺。寺就石岩凹部構成。有佛造像一。高三丈許。金光燦爛。莊嚴無比。出寺行十五里。雙江鎮。早膳。市街整潔。有居民三四百家。下午四時。過龍鳳場。同行者皆就市爲晚膳。沿途食物極多。價廉物美。四川真天國也。五時抵遂甯。自雙江鎮至此。凡一百里。自潼至遂汽車路。已開行七日。惟尙未通車。故余等今日仍以轎代步也。遂甯。漢德陽地。晉永興間。李雄據蜀。改廣漢名遂甯郡。東晉因之。唐改名遂州。宋陞爲遂甯府。明降爲縣。義無所考。意者。西蜀得遂甯謚意乎。明令羅瑤題門柱云。

『邑號遂甯。惟願羣生甯且遂。』

官名知縣。但存一念縣皆知。』

遂甯地土肥沃。產豐饒。五皇場青布最有名。產棉花及紗布。又爲成都至順慶保甯萬縣重慶要衝。遂簡段已有馬路通汽車。遂順遂合段不久亦可告厥成。而太和鎮之豆豉。綿陽之棉煙。均由此出口。江干（涪江）船舶（木船）雲集。進出口雖無統計。然以市面金融計。年至少當不下三千萬。城中有清學士張問。故居道德文章。猶著人口。張有著作二十餘卷。已刻板行世。其字宗趙王。變而成家。秀妙可喜。張之祖鵬鵠。清康熙中官大學士。遂甯之風景極佳。河流曲折。人物樸儉。房屋闊大。節婦貞女之坊甚多。但聞現在之婦女則甚墮落。妾婢尤不重貞操。社會似已視若固然矣。一嘆。市政亦善。馬路光潔。駐軍爲鄧錫侯之邊防軍總司令李其相部。李與郭禮鈞先生友善。因往訪。彼甚優待。彼之部隊有一萬四五百人。槍一萬餘枝。

十八日晨九時半啓行。至車站。則所有之車輛均開出。後李其相派汽車二來。送吾等二十餘人赴簡州。五十里。安居壩。又三十里。東禪寺。又三十里。分水嶺。爲遂甯安岳樂至三縣交界處。安岳在分水嶺南五十里。漢名牛軛。梁名普利。後周名普州。梁建德間移縣治于邑北之岳陽山。豐厚鎮重。四面險固。故名安岳。故址今尙存。宋陳彥章有詩云。

「岳陽山外杏花紅。醉取遊人興更濃。舊日山童今老大。少年行邑竟龍鍾。谿邊流水分漁

釣。島外清風到寺鐘。欲與閒雲共舒卷。十年心在夢魂中。』

自分水嶺西行五十里。卽樂至縣城。已午後二時矣。樂至本鎮。城外有樂至池。唐武德間設。明成化二年。升爲縣。汽車過縣。仍西行二十五里。童家壩。又十里。高家寺。又二十里。香泉鋪。又十里。施家壩。又三十里。龍泉寺。傍沱江西北上。又四十里。簡州。渡江入城。城本漢犍爲郡之牛鞞縣。西魏名陽安縣。隋初名簡州。唐宋元因之。後漢涿郡簡雍節鎮于此。民德之。於其所居處。有山有池。皆名曰賴簡。志不忘也。言所利賴于簡公者多也。賴簡山及池在州東北五十里。民元改簡陽縣。出城過橋。坐鷄公車至石橋。凡十里。宿于客棧。是日凡行二百八十里。同行者有鄧錫侯部江防總司令黃逸民之參謀長陳述宗先生。棧費爲彼先付。汽車所經之路。只有規模。未鋪砂石。稍遇天雨。卽不能行。但川人經營馬路市政之心。固不弱于別省也。自宜昌至簡州。所見之婦女。除重慶較多放足外。各地能放足者。不過萬之一二。衣服裝飾。猶存古色。樂至一帶。尤多著藍布衣。黑布褲。年輕者紅布褲。邊鑲青。黑線爲花。任田野中操作。間有挑担。作鉅烈辛苦之勞動者。由簡州至石橋。沿途石砌之牌坊甚多。

（聞人言。川省馬路。自民國十四年楊森在成都發起後。人民多反對。其後漸知馬路利益。



呈請自動修築。當局反不允許。實因官辦馬路。每方丈需大洋廿八九元。而人民自築。不過七八元即足。如內江資州段卅餘里。實在費用。不過四五萬元。而當局已支十五六萬元。尙未完功。且工程均不合法。外國政府幫助地方開發。中國政府藉地方事項措人民之油。一嘆。

十九日晨五時。自石橋乘滑竿起行。滑竿者。似轎之略形。無蓬而坐位亦小。取其便于上山也。路自此漸盤曲向上十五里。赤水舖。又十五里。石盤舖。十二時過茶店子。（石盤舖至茶店子二十里）由茶店子上山廿五里。下山十五里。二時抵龍泉驛。萬國儲蓄會成都經理楊友和先生至此來迎。龍泉驛爲唐時設。驛後之山（茶店子之上）高出海面三千餘尺。路極闊。可容轎馬四五并肩行。路全以石級成。來往者極多。而苦力居什之七八。山之西有張飛營。漢張飛曾率兵駐此。民國九年。川軍驅逐滇軍。戰于此。傷亡甚衆。川名將謝秋岩歿于是役。民十三。楊森與熊克武戰于此地。三進三退。荒塚纍纍。皆其成績。屬于前者。爲省獨立。義有可言。屬于後者。則個人榮辱。遂矢干戈。川民何辜。遭此荼毒。誰無父母。誰無兄弟。誰無妻子。生也何恩。殺之何咎。嗟乎。王道衰末。好亂犇起。彼起隴畝之中。乘利因便。裂天下而王諸侯。號爲霸王。自矜

功伐。五年卒亡其身者。不猶愈于今之草澤英雄萬萬哉。時移世易。格林威爾已能殺查理士之頭于十六世紀。中國進化雖緩。豈路易十四之治。尚可行于此閉關自守之巴蜀也耶。人不讀書。無由知過。而黃雀螳螂之勢。尋成禍亂之階。吾不禁爲川軍人三嘆也。三時。自龍泉驛乘楊友和先生預備之大汽車向成都。三時三刻。抵成都。凡五十里。成都始于周末。古梁州也。常據華陽國志謂『開明王九世尙自夢廓移治成都。』成都之名始此。注云『夢廓今溫江縣西二十二里。有郭城遺址。尙存。秦惠王遣張儀使蜀。滅蜀。置蜀郡。儀築城不成。得龜。就龜行跡。成城。象咸陽。始皇名其縣曰成都。蜀都賦（左思著）注。武帝元鼎二年立成都屬益州。立郭十八門。公孫述據成都。稱帝號。東漢末劉備逐劉璋。帝于此。稱後漢。凡十八年而滅。曾李雄叛。據成都。稱帝號。隋末蕭銑亦據成都。稱梁王。唐滅之。至德中。改名成都府。天寶中。安祿山叛。唐玄宗幸蜀。杜甫李白等詞人均入川。唐末王建據西川。稱蜀帝。傳子後主。爲後唐莊宗所滅。孟昶又繼前蜀稱帝。及子。爲宋太祖所亡。稱蜀爲劍南道西川節度使。明太祖封子爲蜀王。今城內王城（俗呼皇城）卽其故址。一統志成都山。乃青城山之案山也。成都在漢時。有戶七六・二五六。有工官。已爲大邑矣。（見漢書）成都縣與華陽縣同一城。禹貢『華陽黑水惟梁州。』楊

雄益州箴曰「華陽西極。黑水東流。」洛書曰「華陽之壤。梁岷之域。」華陽國志曰「原曰華陽。」注云「華山之陽也。」二城周圍四十八里。由東城至西城。長九里三。有城門六。閉一。街一百餘。

二十日。清晨。華西協合中學校校長楊開甲先生來。導予與黃吉亭牧師遊成都公園。公園在舊旗人之少城。市人均以少城公園名也。園爲兩部。進出凡四門。東部假山曠地。亭榭池塘。疎柳古柏。點綴成趣。橋隨地轉。數二十有五。有動物園。獸如虎豹熊狐鹿獐獬兔。鳥如鷹鷂鶴雉之屬均有之。有佛學社位于西。國技院位于東。池塘樹下有茶舍數家。清雅殊宜人。西部爲通俗教育館。民國十四年。楊森改商品陳列館而成。隨列植物動物礦物糧食。全川土產。標本甚多。附設圖書館。有圖書一二萬冊。陳列室有古物。如新出土之菩薩。莊嚴石像。西藏之經文。花苗之聖經。五代以前之磚瓦。隕星。隕石。峨眉山石。鐵鑄菩薩大像。大鐘。大鼎。古碑刻。古錢。古印。瓦棺。石達開（太平天國翼王之）詔書。及玉桌玉印。各種最令人觸目者。爲張獻忠之七殺碑。碑已殘破。字磨滅不復可識。邊緣造龍及碑末一「盛」字尙明白。聞原碑係六言體文云。



『天生萬物與人。人無一物與天。殺殺殺殺殺殺殺。』

張蓋明末陝西流寇。入川稱王。四出屠殺。致萬里無一人。清兵入川。殺獻忠。亂始平。有一碑。爲吳道子筆。所畫龜蛇。班駁可見。有武器陳列所。列舊式盔甲。戈矛劍刀。及新槍炮之屬。園口爲一極大之公共體育場。亦楊森拆民居所成。場中有辛亥秋川人保路死難烈士紀念碑。高可十餘丈。額爲川名士顏楷等所題篆。當清之季。盛宣懷爲郵傳部大臣。受川奸甘大章之慫恿。擬收川漢鐵路爲國有。而不償民資。部令一頒。川商反對。由諮議局發難。川督趙爾豐勸業道周孝懷。捕諮議局議長蒲伯英及羅綸。張表方。顏楷等六人于獄。商民沸騰。以木板書血書。鷄插毛。（古羽書之意。川諺。『鷄毛當令箭。』欲速之意也。）由御河浮出。各地響應。揭保路同志會爲旗幟。旬日之間。聚衆數萬。由一班秀才舉人。禮服。抱萬歲牌。跪督署請願。趙爾豐不可。統領田某槍擊請願者。死數十人。傷數百人。衆愈憤。欲圍城。趙以謀反奏清廷。于是清廷有派端方率兵入川剿辦之命。羣衆誤以『剿辦』爲『剿半』。益惶恐。遂有圍城襲督署之舉。時駐川之新軍。爲七十三混成協。及省巡防軍三四千人。新軍中擁戴尹昌衡爲首領。殺同志會首領金某（臨時都督）。入王城（督署）。擒趙爾豐于臥榻。斬之督署外。『爲國求賢』石坊下。

尹遂爲四川都督。鄂軍三十一標。遂刺殺端方于資州。辛亥八月十九。武昌義師起而清庭以灰。巍巍華表。國殤之英。當其抗萬乘。爭人權。奮發號呼。不顧危難。豈不欲犧牲我生。以楊先民光。奠七千萬民衆于自由之域。孰知逾十七年而民生日苦且困哉。成都公園側。有四川圖書館。藏書甚富。經史子集之屬。約十餘萬卷。依類編架。收藏甚佳。書多有南皮張之洞之手澤。（張于清時。曾督學四川。）公園之後。爲君平街。漢嚴君平賣卜處。園之西北。約三里。有森林公園。就大樹百章構成。夏日來遊。必能祛暑十丈也。由森林公園馬路南行。經舊玉龍街至後宰門入王城。（俗名皇城）民六。川軍首領劉存厚與滇軍羅佩金（羅時爲川督）黔軍戴戡（戴時任省長）戰三月。王城附近回民居所。悉付一炬。損失數千萬。三橋（王城大門口）及後宰門尤爲砲火最烈點。劉掘地道八次始成。後宰門炸。城牆上升數丈。城上之滇黔軍。化肉絲血水飛濡地上。慘矣。督署遷出。今爲四川師範大學校址。地方宏闊。舊宮殿龍鳳棟樑猶有存者。出王城而東。二里許。爲中山公園。舊提督署所改築。小于成都公園五分之三。成都市商業。以此街及總府街華興街東大街爲全城巨擘。商業場在總府街。中有商店五百餘。對街爲錦華館。有商店二百餘。洋貨五金化粧品綢緞棉布毛織物漆石。所謂衣食住之具。靡不備焉。西式浴

池。尤以滄浪歇浴室爲合法。茶館最多。整潔廣闊。茶甚精緻。種類亦多。普通喜毛尖。老人喜沱茶及雲南普洱。土產最著名者。爲綿竹大麴酒。溫江醬油。內江乾醋。資陽陳色酒。瀘州香花酒。（有十餘種）。彭山杏仁豆瓣醬。灌縣白茶。隆昌榮昌夏布。嘉定縐。順慶大綢。成都青布。江安竹篋器具。叙府糟蛋。青石橋棒棒鷄。溫江豆花。郫縣蘿蔔乾。太和豆豉。稻香村點心。鐘湯元湯元。成都油茶。灌縣煤。南路松柴。牛市口辣椒。鹿蒿廠磁器。彭山曹達等。學道街青石橋有書店五六十家。筆墨店三四十家。全城有銀行八九家。錢莊五十餘家。典當店五十餘家。米油鹽柴店一千四五百家。洋貨店千餘家。玉石古董五金店千餘家。旅店大小八九百家。布疋綢緞三四百家。毛棉絲織物房千餘家。醫院十餘所。以平安橋法國醫院較爲完備。公園五所。慈善會廿餘所。救火會二十餘所。舊劇院七八所。影劇院五六所。藥店八九百家。醫生約有二千餘人。西醫信用很微。中醫出診。最高診金十元。最低一千。交易用沙秤。以銀兩爲本位。每大洋一元。合銅幣十千。日報七八家。通訊社三四家。定期刊物十餘種。工廠三十餘。小作房約四五百所。教堂二十餘所。廟宇二百餘所。學校大中小共約四五百所。教會主辦約五六十所。最大爲華西協合大學。省立者以四川師範大學規模最大。法政工業農業外國語國學各有專門。



一。中學約二十餘。成都聯合中學及省立一中。最發達。各有學生一千餘人。國技館十餘所。清真寺十餘所。無名教壇。聞有五六十所。皆請仙扶乩。畫符傳教之類。川人未脫盡野蠻性氣。信然。鴉片煙館。聞有五六百處。上者陳設極精。并有女侍供招待云。全城人口約六十萬。回人約二萬。旗人約三萬。回人以殺牛爲業。旗婦多操淫業。可憐也。錢莊票號。在銀行及郵政未通時。之所有權。均操于山西人。近年漸歸淘汰。四川商業。舊操于晉。贛。陝三省人。晉人業匯兌。陝人業借債及典當。贛人營棉紗及進出口業。陝人在清季。包辦鹽稅。川人恨之。今則都成過去。陳迹矣。成都之馬路。創于民國十四年。楊森令王纘緒督辦市政。諸政并興。雖不盡善。但規模已備。所惜者。工程人員非專家。材費而工程不堅。資耗而不盡材用。交通除汽車人力車外。轎尙盛行。軍政人員位高而多薪者。莫不人一汽車一包車。或一轎。富人尤必人一轎。或三四轎。轎有常備之伕。三或六。行時。二人爲一班。力注于腰。兩肩左右轉。其臀團團然。行其速。長途旅行。則加班三五。日可行二百里。成都至重慶一千零華里。凡十站。旅行者須按日一站。此特別之轎伕。五日即可到。即可見其技不同于一班矣。薪俸亦厚。人月可廿元。凡起碼之政客。即備有一轎。所以供奔走也。青年男女。及許多可造之士。沈醉于此較摩托舒服之轎而墮落者。不知

凡幾。一橋值二三百元至卅元。公子王孫留學生大少爺供職于高等機關。月終支二百元與馬費。僅足伏費。真所謂名符其實矣。乞丐之多。甲于全蜀。多聚于庵堂寺觀路途。但多爲殘廢老弱聾瞽之流也。

二十一日。上午。楊開甲（字少荃）校長來。請余及黃吉亭牧師郭禮鈞先生等。午餐于成都南門外華西協合大學。是校建築規模。極爲偉大。佔地一千餘畝。位于錦江（岷江至成都。水清瑩。可濯錦。因名。）南岸。地勢極佳。馬路縱橫。不啻一新式公園也。大學爲歐美各國教會共同組織之教育機關。但各教會在大學內之建築。仍分門別戶。又不啻廬山租界之歇暑場。其設備之佳。眼光之遠。蓋欲將西方物質文化灌輸于西南各省及蒙藏大于內地十八省三倍之領土。以大學爲教會行政中央。歐美人之知識。實較自私自利之漢人高萬倍也。大學學生極少。尙不逾三百。倘在歐美。則此建築物至少亦當容三萬人也。大學門前可望見全城唯一飲料之水車。其水由鐵管流入城內鹽道街之貯水池。汲者就池汲取。大學之左爲國學專門學校。校爲尊經書院存古學堂國學院遞嬗而來。川經學家廖平小學家兼詞章家宋育仁文學家趙熙（堯生）等。先後爲之長。所習仍經史子集小學詞翰之學。學生有二三百人。四川歷



華陽南門外水車

來在中國文化史上貢獻至鉅。清代較爲落後。帖括之學。聚于四郊。張之洞督川。始提倡漢學。（卽考據訓詁之謂）立尊經書院以毓士。刻廿四史十三經等書。風氣丕變。川人士始注力于文章。然鄉僻之地。蔽陋猶甚深也。川人對外人感情極惡。邊遠之人。至有謂『外人有尾』『喫小孩』『取死人天靈蓋配洋藥』一類劣詞。其崇拜外人者。不過少數留學生及比較有新知識之青年而已。出大學。東行八九里。有橋以木作樑。柱桷均施刻繪。傍江而下。又八九里。爲九眼橋。橋下五六里。爲農業專門學校。校東五六里。卽望江樓。名勝地也。白樂天詩。

『望江樓上臨江望。東西南北水茫茫。』





望江樓之薛濤井

薛濤井在樓之左。薛唐時人。幼聰慧。能詩。爲人所誘。遂成名妓。韋皋爲西川節度使。嬖之。爲之游揚。濤名益噪。居于此。汲井水拭墨寫新箋。尤爲士大夫所嘆賞。近人劉豫波題一聯云。

『古井冷斜陽。問幾樹枇杷。何處是校書門巷。大江橫曲檻。看一樓煙月。要平分工部草堂。』  
頗爲人所傳誦。望江樓對岸。爲四川兵工廠。附近爲白藥廠。有工人一千餘。每日出槍百。子彈數萬。春二三月。成都人士。扁舟來遊。信足樂也。望江樓一名崇麗閣。上爲濯錦樓。浣箋亭。吟詩樓。薛濤墓均在其左右。題刻無慮百千。佳構亦不少也。成都人言語較外縣人秀麗。婦女談吐極清細柔和。川北人贛直而粗陋。重慶人多狡詐。大都市一滑



頭氣」使然也。成都以西之田。年三種。一穀。一麥。或蔴或菜。一煙。（旱煙）土肥沃。爲他處所不及。一畝田（二尺五寸一弓。橫十六弓。縱十七弓爲一畝）年可收穀二石（石重二八〇斤）至三石。麥一石五斗至二石。煙一石五至一石八（百斤一石）田塋植豆。年可收黃豆三四斗。碗豆二三斗。但農人極辛苦。所用之肥料亦多。余自巫山至成都。所見之農田。無草一莖。雜立田內。聞川西之農人更爲勤懇。每晨輒以鋤鑿田。使土質鬆活。俾種植得以速長。全國農人。尙悉能照此法。相信年產必可多二三倍也。

二十二日。下午。成都郵政總局局長魯堯卿先生來。請予等及費宗之博士楊開甲先生郭禮銑郭禮鈞先生等晚膳。予雖守過午不食之戒。然不能不一往。坐席側。聽新聞。聞近來謀財害命之事。時有所聞。而城外僻靜之處尤甚。消費及浪費之具日增。而生產日減。而浪費之徒。于是作奸犯科。而從此中國無乾淨土矣。成都電燈光小。而燈多。光如陰火。日落後。黃包車夫卽不敢出城。先是有大公館。每日在外喚多黃包車拖客人。而車夫不見出。客冒稱車夫。拖車至他處變賣。每車橡輪可賣八十餘元。而車夫遂以八十餘元之資亡其身。匪徒謀及車夫。亦可謂無惡不作矣。明日爲郭禮鈞四十初度。楊友和先生爲之祝川俗。于先一日以麵致壽。

者。祝其如麵之綿長也。川名士昌爾大先生（字介人）書聯以壽。文云。

『五福兼全，眞汾陽後起。

七策利用，喜范蠡復生。』

書法漢魏，文亦清穎。可謂善頌禱矣。昌君有心救國，無力回天，根本天真，寄托詩酒。及其醉飽，耳熱面酣，卽不分恩怨朋仇，一律漫罵。稽叔夜剛腸疾惡，輕肆直言，遇事便發，何其酷相類也。但直心卽是道場，不直不能成佛。予藉此因緣，卽拈華嚴疏鈔清涼之花，以獻之。冀其勇猛進於世出世法，得圓覺耳。予一生昏動，不計春秋，自十歲祖父爲之壽外，三年前五十之年，內子文英代備酒一席，不期是晚記事之後，忽自悟今日卽本身五十四歲生期，回向母恩，卽亟欲對衆生立三不朽以圖報于萬一。然作客成都，又值郭君壽，彼此遇合，何其巧也。


二十三日。上午。費宗之博士來。邀游文殊院。作午膳。同席除熟人外，有法光長老及尹昌衡將軍。文殊院與昭覺寺二仙菴青羊宮草堂寺同爲成都之大叢林。刻有經籍甚多。住院者多優婆夷優婆塞。成都有歌云。

『一昭覺。二草堂。三馬堵。四迎祥。』

昭覺寺門外



此四廟爲四川廟宇之最大者。各常有十方長住僧道一二千或數百不等。廟產本富有。歷年爲軍人提去。文殊院菩薩像



過半。昭覺寺在成都北門外十五里。殿宇爲四川冠。廟中有餉客之「鍋巴」最著名。廚房規模甚大。由竈下至竈上。無梯莫能升也。藏經極富。寺北十里有鳳凰山。辛

亥周孝懷夷山麓之亂墳爲營房。棄毀萬千。尸骨暴露。營成後。宿者時患不安。嚙鬼云。山南有鳳公祠。清欽差大臣旗人鳳某入川邊。極寢倨。以煙斗繫土司首。土司怒。殺之。後葬于此。強凌弱。暴御寡。豈天理耶。其殺身也宜矣。祠前爲北大路。往來雜踏。車馬輻輳。去祠而西五里。有駟馬橋。橋因司馬相如名。相如漢人。納卓文君之奔。入長安求仕。過橋自誓曰。『不乘高車駟馬。不過此橋。』後果仕顯。橋左有機器麵廠一。開辦逾十年。年產二三十萬合。入城不遠。有五擔山。華陽國志曰。『蜀王妃歿。哀之。遣五丁力士擔土爲山。紀哀。』山前卽北較場。有營房。本劉存厚督軍署也。是日下午三時。又同楊友和郭禮鈞兩先生赴劉耀奎大隊長之宴。席中除午宴同席者外。師旅長及軍政界人多在坐。因得因緣。久談佛法。并得聆諸善知識教。益誠不少也。


二十四日清晨。姚秘書來。約往訪劉文輝主席。適先有黃時英團長之約。未果。早膳後。同往訪鄧錫侯軍長。其軍部。鄧溫恭儒雅。以善戰爲川名將。其部如下楊秀春旅長。劉耀奎大隊長。黃時英團長等。皆喜讀書。工書畫。研究佛學。果能發皇我佛慈悲。維持川局。不許同室操戈。則造福于川民。當無量頌禱矣。在成都之將領。如鄧錫侯有槍七萬餘。劉文輝有槍六萬餘。各



有防地四十五縣。二十九軍田頌堯駐潼川。有槍四萬餘。二十二軍賴星輝。有槍二四千。在重慶之劉湘。有槍三萬餘。在萬縣之楊森。有槍三萬。與楊分化之郭汝棟等。有槍二萬餘。在綏定之劉存厚。有槍三四千枝。民團在全川一百四十六縣中。約有槍八九十萬。一縣民團。操于各市鎮團總。縣有團防局長。三五縣或十餘縣。有一聯團。勢力極可與軍隊相抗。但因團局負責者多擁槍自肥。轉而勾結軍隊。爲地方害。民十二以後。川亂迭興。團總乘機由民團而軍隊。由團總而旅團長。川北之楊鬍子。川東之曹燮陽等。皆此類也。民十以還。各師旅競辦軍校。（隨營幹部講習班。）升官慾極富之青年學生。受害甚衆。明季天假流寇以屠天下。清亡而天亦假兵凶以屠四萬萬羣衆。哀哉。午後。出南門。五里武侯寺。寺祀諸葛亮及劉關張。後漢諸臣。皆塑像陪祀左右。武侯綸巾羽扇。風采若生。昭烈帝關雲長張飛像如其神。高長二三丈。望之凜然。杜甫曾有詩云。

『丞相祠堂何處尋。錦官城外柏森森。映階碧草自春色。隔葉黃鸝空好音。三顧頻煩天下計。兩朝開濟老臣心。出師未捷身先死。長使英雄淚滿襟。』

又詠懷古跡之五云。



昭烈帝陵

『諸葛大名垂宇宙。宗臣遺像肅清高。三分割據紆籌策。萬古雲霄一羽毛。伯仲之間見伊呂。指揮若定失蕭曹。運移漢祚終難復。志決身殲軍務勞。』

寺後爲昭烈帝陵墓。大可五十咪。騷人詞客。題刻殆遍。寺址廣闊。森林古栢。鬱鬱參天。游客如雲。僧堂池邊山上茶舍中。常皆滿坐。神像于民國十二年。四川總司令劉成勛。以劉姓之故。斥資輝皇。及今猶朱紅燦然。（張獻忠與張飛聯譜。沐猴而冠。無獨有偶。一笑。）寺南五里。爲草堂寺。杜甫草堂故居也。有僧二三百。奉香火于此。寺址亦廣。遊者乘車馬來。絡繹于道。僧居寺東。佛像在焉。杜甫像肖于西。有屋二三十間。疎竹曲石。極盡奇趣。題



刻多清名士手筆。有黃山谷石像。位于左。寺中餐館茶室均備。寺後有闊地一萬餘畝。清周孝懷曾于此爲新式之公園建築。辛亥秋。全燬于火。出寺東北行五里。爲青羊宮。左爲二仙菴。道家太上道君錫教之處。川人有古跡謠云。

二仙菴大殿之造像



謠云。

『一進東門天涯石。二出南門五塊磚。三橋九洞石獅子。青羊宮去會神僊。』

青羊宮外。每年二月。舉行花會十五日。相傳每日有一神僊過也。青羊宮內道祖殿。有青羊。銅所鑄。寺因以名。花會者。全川之花。期以是日聚以資競賽。雖有照例有花。而實質已變爲各縣土產展覽會。今且更名勸業會矣。屆期。各縣貨集。千奇萬有。而邊遠人士。多乘此際一瞻省會之繁華。既開文明。又銷國貨。誠善舉也。二仙菴傳





浣花溪上之百花潭

爲呂純陽及鐘離子降世渡人之處。二寺年因花會。而收入之地租及香資。約有二三萬元。寺前有市鎮。約有二三百戶。爲成都去川西之又一道。西去五里。有萬里橋。杜甫野望詩云。

『西山白雪三城戍。南浦清江萬里橋。海內風塵諸弟隔。天涯涕淚一身遙。惟將遲暮供多病。未有涓埃答聖朝。跨馬出郊時極目。不堪大事日蕭條。』

卽指此。又十五里。卽蘇坡橋。蘇東坡曾讀書于此。因名。青羊宮東一里許。爲浣花溪。溪上有百花潭。潭中有放生池一。游者亦衆。自是循江流至成都之南門。古樹夾藤。蒼松蔽日。鬱鬱遒勁。添人逸興不少。



成都。在清季。袍哥之勢力極大。袍哥者。卽哥老會之流。俗又名江湖。明末遺老反清復明之組織也。其組織凡市鎮縣城。均曰碼頭。碼頭有大哥。總碼頭兄弟入會及招待別碼頭來往之弟兄等事。共分十位。第一曰大爺。象劉備。二曰二爺。象關雲長。三曰三爺。象張飛。四曰四哥。象趙雲。五曰管事。任總務。至六七八九十止。大老么爲九哥。小老么爲十哥。入會者多由小老么起。逐步遞升至大哥。其升也。多因才力能力經驗而得。大哥能生死人。其權均載于會冊。弟兄犯規者。大哥集衆而宣布犯者之事實。并讀懲罰之條文。卽令照例或打或殺。犯者不敢抗。在坐者不敢有違言也。飲食衣服均可以共。無業者。大哥爲之設法。其戒有三。曰。不殺。不淫。不盜。其條有二。曰。同患難。同死生。袍哥勢力最久而規律最嚴之時代。莫過于民元二年。辛亥四川保路同志會之隊伍。卽由大哥號召弟兄爲之也。民元。同志會改編。編餘者失業。習爲盜。戒條日惰。以後人品亦不齊。土匪棒客。皆出其門。賢者日亦遠之。但各縣仍有此組織。民團警隊之首領。均爲此會之大哥充當。現據川邊之劉文輝部羊清全。卽川邊袍哥之大哥也。劉以旅長羈縻之。劉名爲擁有川邊。但實權却完全在羊之手握。是亦四川社會特別之現象也。

舊成都府署。有武侯觀天台及龜蛇圖石碑。相傳用紙裱之。可避火災。西門外有司馬相如

撫琴台。諸葛武侯故宅之井。現夷爲街。井尙存。支磯石街之支機石。傳爲張騫乘槎泛至天河得之織女手。荒誕不可信也。華陽縣文廟傍有何公何母墓。前明學官何氏夫婦盡節處也。今之金馬街卽漢之金馬碧鷄坊。趙子龍之洗馬池。在駱文忠公祠內。成都之氣候。華氏表夏季最高九十六度。冬季最低四十度。夏多暴風雨。冬多雨雪。十一月中卽降雨雪。

二十五日。清晨。郭禮鈞先生與楊友和先生。備大汽車一。乘好友十餘人。游灌縣。觀青城之勝。劉耀奎大隊長率衛隊數人來護送。成都距灌縣一百二十華里。有馬路可達。馬路楊森所修。西行五十里郫縣。郫縣秦所名。古蜀帝杜宇舊都。遺址在縣北。週遭數里。高可二丈。俗名杜鵑城。李雄據蜀繼都焉。楊雄蜀王本紀曰。『蜀王之先。名蠶叢。柏灌。魚鳧。蒲澤。開明。積三萬四千歲。』成都紀曰。『杜宇繼魚鳧之地。秦惠王滅蜀。封公子通爲蜀侯。望帝傷之。悲鳴而死。化爲杜鵑。一名子規。』高適詩云。『子規猶是蜀王魂』是也。

益州記。縣有望川源。鑿石二十里。引取郫江水。灌廣稻田。又有郫筒井。在治內東。土台突起。二井并列。台下有池。池畔產竹。相傳昔人剝竹爲筒。汲水釀于筒中。包以蕉葉。纏以藕絲。信宿馨香。達于筒外。名曰郫筒酒。或曰。『晉山濤治郫時。用筍釀醪酒。一旬開之。香聞百步。』今

池井俱存。而竹不產。法亦失傳矣。杜甫詩『酒憶邛筒不用沽』是也。顏師古曰『邛音疲』。漢楊雄字子雲。邛人。能文章。著書數十卷。以仕新莽爲世所詬病。然文不以其人廢也。邛縣一帶田土肥沃。土作黑色。上沙而下黏。極易發育。農夫甚勤。一人一牛。年可耕十五畝。犁地極細。種穀之田。犁三次。鉆三次。始放水灌田。插秧後。糊田二次。拔草二次。鎬田二次。種麥之田。犁二次。鉆二次。始鋤爲窩。以麥植之。及長。復勻其苗。大小相距皆若。苗內無一草存在。復以小鋤鎬一次。以是發育極皇大。而結實累累如貫珠。穀一蕙。多至三百粒至五百粒。其去他省人之疎懶閒散。播種後皆置若不聞不問者。誠不可以道里計也。又七十里。灌縣。車達城內。縣名始于唐開元初。蜀漢名縣曰都安。普徙治灌口。唐貞觀中。名灌甯縣。縣西有灌口山。釋名曰。秦蜀守李冰父子鑿離堆山。築都江堰。分岷江爲數十流。以灌益州千里之田。水由此出。故云灌口。』杜詩云『江從灌口來』。任豫益州記。『江出羊膊。經甘松至灌千餘里。』水至灌口上十餘里。受山衝激。急而陡。冰父子導江爲沱。岷二流。別岷爲內外二江。下又別十餘流。水遂弱而不濫。西川三十二縣。賴此無旱泛災。每屆年冬。卽從事修治。江流所及之縣。富者出資。貧者荷鋤。之屬治堰。編竹爲簍。實以巨石。每簍重可一二千噸。大小相壓。新堰遂成。修內江則堰外江。修



外江則堰內江。石壁有石刻水表。可測水流深淺。爲分配標準。清明前得十。卽開堰引水。爲沿江溉灌之需。視所需之量。爲開堰多少之衡。大德曰生。生西川人民者冰父子也。立功不朽之一。冰父子不朽矣。川人建祠享之一。



曰伏龍觀。二曰二郎廟。并尊冰曰川主。崇德報功。先王所祀。冰之獲祀。固其宜也。歷代皆設專官。司分水事。守其政。刻其治水之訣。『深淘灘。淺築堰。』六字。懸之廟碑。并繪有分水圖。以告後世。廟壁題字。曰。『願天常生好人。願人常作好事。』就地紓情。殊能發人深省也。二郎傳卽冰子。西游

記所謂『玉皇命二郎討孫悟空。悟空變幻二郎入灌江。據廟惡鬥。』卽指此。伏龍觀下水迅而深。傳二郎治水。伏妖龍于此云。二寺風景絕佳。外人建屋數幢于觀側。爲避暑之所。二郎廟之



索橋之二



伏龍觀





同遊灌縣者攝于伏龍觀

前有索橋一。長八百四十尺。以竹纜十餘爲經。互相牽挽。上鋪木板而成。年換一經。地方有專款。惟橋身過長。人行至中段。橋身左右動如鞦韆然。但行者人馬車仗。安之若素。蓋習慣成自然矣。橋之兩欄。以竹纜四構成。此世界奇異之橋梁也。但年年耗費人財。殊非一勞永逸之計。上游十里許。有大灘一。水流如千軍萬馬疾馳。川人擬借此水力發電。以供給全川。惜爲時太促。未能一往參觀。由橋上望之。其形勢殊可驚訝。此水力蘊蓄無量財富。爲川人儲藏。只待有智慧之賢豪。起而利用之耳。四川名山。首推青城。山脈綿延七八百里。蜿蜒不絕。山峯秀麗。樹木葱美。有天師洞。上清宮。元明宮諸寺。其最高處。超出海面八九千尺。富于森林。



礦產藥材糧食。煤尤最著。均以灌縣爲出口。青城山有三十六峯。峯挺如林。其最南有六頂山。山有觀音殿。殿

郭禮鈞先生之影攝于二郎廟



基及神像爲一石所琢成。有木牌一。書佛字。傳爲張三豐手筆。山高林密。水分最重。夏季午前九時至十一時。



青城山之一



爲山清水明時間。過此則大霧滿天。冬季更甚。或且對面譚話。可聞聲不能覩其面。山中最富于瀑布。懸岩千丈。日夜不休。鹿兔走松林。萬鳥鳴草野。以美風景名世界之瑞士。其美果可以逾于此耶。山箐之中。藏虎豹熊猴野牛野豬野驢之屬最多。山居之人。智識極低。男長辮。女小



青城山之二

足。日出而作。日入而息。受豪強者之剝削壓迫。呻吟而已。迷信性強。五金之屬。多委棄不開採。山以上爲大雪山。高海面一萬五六千尺。其南爲大小金川。居者爲唐古忒民族。（俗名蠻子）性耐勞儉樸而剛勇好殺伐。其社會爲原始部

落酋長及游牧制度。唐名土谷渾。宋名西夏。屢爲邊患。元世祖征平之。協爲小部落。以蒙古人充土司。使其民信奉佛教。以滅殺其野心。灌縣以西及金川以南。有土司三十八。土司之下有溝主。（依山溝而分）寨主。（蠻人聚而居伐大木爲寨）牌頭。花戶。壯丁。等稱謂。有人口七

八十萬。佔土地一百四十萬餘方里。因無知識。有富源而不知開發。其甲于世界之洋油礦。居世界第二位之煤。金銀銅鐵錫銻鉀磷硫磺等礦。尙蘊藏如故也。其氣候與川有異。大率山顛奇寒而山谷中暴熱。大小園等地。年一二雨。雨不過數分鐘。其人之習慣嗜好風俗服食。略具歐美雛形。不過此爲未進化野蠻狀態。彼爲已進化之文明狀態耳。（陳重爲君曾親涉其地。著有四川的蠻子一書。記載甚詳。）

二十六日。上午。尹昌衡（字碩權。號太昭。民元。曾任四川都督。川邊經略使。進秩上將軍。今川邊碩督太昭等縣。皆其所手置。）將軍。請予與費宗之博士。黃吉亭會長。郭禮鈞。楊友和。先生。楊開甲。校長。魯堯卿。郵政司。法光（字道悟。）長老。四川佛教會會長。峨眉山接引殿聖欽（字榮崇。）長老等。素餐于其將軍府。府後有止園。亭台樓閣。花鳥池塘。布置雅潔。以成都鬧市之中心（府在會府南街）而有此山林逸趣。不覺別有天地也。碩權老友。事事率真。自絕意政治後。專心念佛。笑傲花香鳥語間。寄意于讀書著述。較之韓世忠湖上騎驢。尤爲別致。并贈其自著之止園理海及止園叢書各一。道德文章。兩得其美。不可謂前世無夙因也。其父母累功積德。遂福後昆。尤堪欽羨。據其書所載。其家貧甚。父負販。母爰豕。深夜剉菟授經。誤斷一指。

因作詩權訓頌曰。

『寒夜清燈夜剉芻。子身豐碩母身癯。我生割草三千日。汝室無桑八百株。幾粒熊丸雙淚落。萬言龜鑑一心孤。男兒應有風雲志。莫使貧親老豢豬。』

其父得詩和之曰。

『苦君夜夜剉青芻。志遠心高體骨癯。畫荻莫愁傷一指。種槐須記數三株。無錢日月真難度。有望生涯幸不孤。眼見吾家英物起。豈能長豢笠中豬。』

讀之令人觀感不置。足見國家聖賢豪傑。皆由母德孕育而成。倘人子一旦得志。放縱卑劣。有辱先人。是大不孝。孟子之有孟母。武穆之有賢親。國運所關。亦民族興亡所繫也。

二十七日。上午十一時。赴昌介人先生之邀。居室整潔。有逸致。壁懸名書畫。如姚元之之漢隸。八大山人之奇畫。何子貞之扇面。翁覃溪之題跋。西式高樓。得古人墨寶爲之點綴。古香古色。妙逸橫生。午餐。由其夫人所親製。五味適宜。并有家藏老酒餉吾等遠客。飽食後始知上海有名之川菜館。皆非川菜之真味也。餐後。楊友和先生提議同謁太慈寺。寺有大雄殿。有藏經樓。有銅鑄丈六阿彌陀佛金身。爲禹後第一治水聖人李冰所鑄。用以鎮壓海眼。流澤後世。指



衆生之迷津者也。有顏楷聯云。

『立脚鎮潮音。預防滄海橫流日。

以手援天下。應現金剛不壞身。』

適熱心宏揚佛化之謝子厚景浩初劉珠圓居士等。歡迎新自西藏學佛歸來之能海法師說法于太慈。予等于無意中。結識諸善知識。歡喜讚嘆。得未曾有。是晚又赴王國源先生之約。更於楊鳴九先生得聞桂湖之勝。桂湖在成都北四十里之新都縣。湖大卅畝。饒有亭園池沼山石樹木之雅。夏日荷開。香溢四野。游者甚衆也。


二十八日。訪文殊院法光長老。遇昭覺寺知了澄一法師。及聖欽法師。聖欽贈予以所著成佛心印十冊。法光贈所供之銅佛一尊。佛乃西藏喇嘛



桂湖之一



桂湖之二



桂湖之三

龍目川遊



四 之 湖 桂



五 之 湖 桂





桂湖之六

贈彼者。得此諸寶。感激無量。十一時。至魯堯卿先生家。午膳。晚。楊友和先生又設筵祖餞。昌介人秘書惠以佳章。劉耀奎大隊長贈以珍物。黃時英團長特來酌酢。黃逸民總司令來會談。殷勤備至。自愧方外間人。無以酬諸善知識耳。川中十一月溫度即低。雨雪交加。上峨眉禮普賢之願。因是不果。而川局又發生動搖。尤恐變遷立至。有阻歸程。決于明日行矣。

二十九日晨。九時。乘汽車至龍泉驛。仍坐滑竿上山。是夜宿石橋。并遇張敬先生字用吾云。革命非有道德學問者莫辦。

三十日晨。六時。自石橋起程。渡沱河至遂簡長途汽車站。已無汽車。不得已。喚滑竿前進。是晚宿



大明皇帝因朝鮮王代爾請封始  
爾恭順不忍兩地之相戕傷  
天和遣使臣渡海  
封爾秀吉為日本王爾得據  
有名彌縫長諸島自宣街戴  
皇恩藉戈脩德以樂爾餘年貽  
慶爾勿斯為永圖胡使臣甫  
歸遽敢違制訂盟以朝鮮禮文  
為辭又復侵占金山橫張之關  
今朝鮮赴告  
皇帝震怒已遣使臣更置兵  
部總督另設經畧經理無間  
罪之頃據上國度爾之力即抗  
朝鮮且辱為難必害  
大明親善爾且叩爾大島中之  
王宜以爾既受王封已為屬臣  
與者抗天理不容神明且降之昨  
年爾國北火動搖此其兆也尚不  
安靜祈福而自是子兵乎爾已  
卒餘歲矣命幾何子未十齡派  
請何堪爾各為爾俱視爾之

兵緩求安矣。然將領兵  
于外。且諸島內。又無播禍起。即  
清正諸。皆各思為王。豈肯久居  
爾。下將來之。豈肯居爾。子之下者  
以理勢論之。爾不知運行。罷兵。修  
好朝鮮。憑藉  
八朝之威靈。然消諸島之群。觀  
其前所乞  
朝廷與爾處分者。何事可明白  
表矣  
朝廷是也。凡仲現爾與朝鮮。皆  
為臣子。必無倚重。爾不自悔  
禍。任爾以數千萬。皆為壁。朝鮮在  
大朝。恩極。爾表。封。遊。亦不遠  
動大兵。但  
動馬步十萬。薄金山。助朝鮮之順  
福。浙水兵十萬。兩道以樓船從  
南海。與爾秀。見于島沙。是  
且問山城。若生在此。爾其慎思  
之。

在楊友和先生之家得明歷帝欽大楊日王臣吉檄自國於清一屬皆亡讀能痛  
哭無此矣隨國切後滿亡中文之秀豐本國斥臣差時皇萬之

童家壩。

十一月初一日。清晨六時起行。

百二十里宿東禪寺。

初二日晨六時起行。改小道。經三

家場馬家店花岩場而上潼遂汽車

道。夜行十五里。而至雙江鎮宿焉。幸

天地眷顧。平安不雨。

初三日晨九時半過潼南下午四

時至大河壩。轎伏不肯行。遂宿于張

飛廟內之旅店。

初四日晨六時啓行。下午一時抵

合州。初住合達賓館。旋因住兵太多。

不守軍紀。過郭先生眷屬室。意態輕



此有孔聖遺像



此有像孔聖遺像之筆日本水戶公所珍藏  
故特計名古在川湖州助民可存

大成孔子孔子以  
前既無孔子孔子  
以後更無孔子孔子  
或孔子孔子孔子

孔子像及贊

桃。乃移廟福音堂。

初五日。在合待船。

初六日。晨八時。自合乘合浦小汽船。

(每人船費一元五角。飯菜資在外。)

下午三時。抵重慶。沿途檢查極嚴。似有戰事狀態。

初七日訪周代本先生于其寓。彼談川局甚詳。謂「川軍派別極多。其東洋系如周道剛熊克武尹昌衡一派及武備系劉成勛等已失勢。現在勢均力敵者。為保定系之鄧錫候田頌堯賴星輝劉文輝及速成系之劉湘楊森。劉文輝與劉湘為叔侄。二劉互結為一派。楊森與



林！我祖名軒轅降自崑崙山北逐獫狁南當蠻貊馳驅



嗚呼起崑崙之項兮繁殖於黃河之洲  
藉大乃典潤斧兮以奠定乎九有使  
吾世子孫有歌飯之所兮皆賴帝  
之櫛風而沐雨嘆我四萬同胞兮尚  
無數典而忘其祖

宗敬仁詩題

黃

帝

像

劉湘爲世仇。二劉附甲。餘則附乙。劉存厚楊森且勾結失敗之吳佩孚。日英欲以操縱北洋軍閥亂中國十七年之故技。操縱甲乙。日以助張作霖之法助甲。英以助孫傳芳攻棲霞山之法助乙。使互相爭權奪利借款購械嗜財愛色之吳三桂。自相魚肉。以摧滅中國之人民。日英則爲卞莊子之刺虎。坐收漁人之利。川軍不悟。投入漩渦。竊爲憂之。『予曰。『川戰可設法調停制止乎。』周曰。『惟賴楊森以武力調停之耳。楊駐川東助二劉。則二劉勝。助其餘。則其餘勝。兩派皆求楊之援。楊已有舉足輕重之



勢。予乃以國民身分。請周勸楊設法制止戰事。以楊森建設之才。辦事之力。引川軍一致從事于川邊之開墾。則川西南八千里之荒原草野。立變爲沃土肥田。移屯之三十萬兵。皆成闢草萊之大地主。即使此輩擁兵者爲彼地之無冠皇帝。亦無損于來日之發皇也。周甚然之。



楊和友先生贈

班禪額爾達尼近影

初八日。上午。周代本宴予等于重慶公園。謂劉湘與李其相部。昨晚已于桃子壩接觸。而任劉楊合作之代表王芳州方自涪陵回。以劉湘只承認楊森要求三之一（楊要洋五十萬。子彈五十萬。而劉僅允二十萬。）楊乃謂『聯軍（李

其相羅澤洲賴星輝等）逼重慶。乃我所贊成。萬一聯軍失敗。我亦當率兵來攻。』劉楊決絕。備戰益急。劉將來只有固守重慶待劉文輝之援。及退瀘州保存實力二途。下午五時。登英商船慶和輪。是時康定（英輪）不載客。而慶和亦需切實保人。幸黃吉亭會長與慶和大買辦李

挹青二買辦程秉垠識。始得上輪。出城時。嚴受守兵檢查。各城門拉伋甚多。聞九門各拉一千二百名。所有僑伋水伋路過工人亦拉去不少。以麻繩穿被拉者之衣襟。如釣者以柳條穿魚腮然。民國人民喪失自由。至于如此。吾等不覺爲之淚下。兵士上輪。檢查數次。名爲查私鹽煙土。實則借此敲詐而已。

初九日。清晨。七時半。慶和自重慶開出。三十里。卽經過聯軍攻重慶之戰線。因戰線緊迫。此地一帶。雙方都無暇來檢查。是晚泊貓兒溪。

初十日。晨六時半。開輪。九時許。過萬縣。泊一小時。檢查之機關凡十二處。皆上輪爲一度之檢查。執行者如餓鬼爭食。其凶惡之氣。令人不可嚮邇。是晚泊巫山縣。同船一卸職軍官。劉姓。季和其名。談川情甚詳。研究佛學亦有素。盛贊楊森建設之勇敢。及盧作孚任合川市政。努力熱心不置。并介紹四川佛學社一班善士。如羅雨蒼。蔣特生。趙巨旭。陳福五。謝龍文。冷述生。謝汝霖。龔緝熙。海玉和尚等。皆以上級軍人。皈依三寶。并多出家峨眉。甘爲苦行頭陀。卓絕堅貞。令人不可及也。又謂重慶南岸獅子山有雲岩法師。偕西藏活佛諾那呼圖克圖同居。雲岩精禪宗。通一切佛典。弟子極多。活佛係前藏班禪之大臣。班禪爲前藏達賴喇嘛所逐。達賴附于



英。班禪乃來北京依段祺瑞。段因被安福系包圍。不暇愛國。乃來四川求援。又適四川軍人互相爭奪。遂告絕望。乃大傳紅教于重慶。聞劉湘會按月接濟焉。

十一日。清晨六時。自巫山下行。予立船頭望十二峯。樂而不疲。瑞士風景。其能與此京哉。下午二時。抵宜昌。仍住輪上。待輪。胡濟成楊玉珊鮑先生陳繞樞會長等。又有熱烈之招待。至可感也。

十三日。又赴胡濟成先生等之宴。次日。即耶穌聖誕節。各輪皆紮柏枝鮮花爲禮。是晚。郭禮鈞先生夫人及黃吉亭會長在聖公會作慶祝通宵。

十四日。八時。同和輪自宜昌開。下午三時。抵沙市。又同訪楊器之會長。

十五日。晨六時。自沙市開輪。啓行。是晚宿車灣。

十六日。晨。自車灣開輪。是晚九時。即抵漢口一碼頭矣。四川之游。于是乎畢。計程一萬〇四百二十九華里。凡行六十六日。回憶三年前。偕陳少白王證澄二先生游太原。出雁門。又一年。偕陳少白張純一二先生游五原。觀蒙古。其所聞見。皆不及四川之多。惜少白純一證澄諸公。此次未一同游。不無缺陷。然他年結伴重來。同登蛾眉極巔。固在不可知之數。權懸一圓滿希

望。與郭驥鈞黃吉亭先生作一預約可也。川中遍地皆紅土。而綠苗點綴其上。若以鳥眼俯瞰。恰似錦繡一幅。善男女攘往熙來。生息于斯。得非大福。但不善用之。抑一禍之根耳。『象有齒以焚其身。』匹夫無罪。懷璧其罪。』古人閱歷之言。實爲後世之法語也。

何謂善用。姑獻一二方法。以備川中父老採擇。（至於修馬路。築橋梁。開鑛山。設各種工廠之方法。須專書說明之。不備述。）

先哲有言『工欲善其事。必先利其器。』川中天府。物阜民康。惟缺利器。欲與世界爭物質之雌雄。造清明之幸福。終覺太遲緩。日月逝矣。歲不我與。故當先以急則治標之法行之。川中急需之政。莫過于建設。建設上需要最多者。莫若水泥。三峽中石灰岩高數千尺。若干夔門附近。大設水泥廠。鑿通數百里之峽路。用鑿下之石以製造水泥。以水泥建設橋梁及其他建築物。通山川。去險阻。交通則有利器矣。次則鋼鐵。鋼鐵材料。川中極富。但開採化煉需大機器。馬路及鐵道之交通。未具備以前。運輸此種機器極爲困難。而飛機亦不能載重。只有利用漢陽化鐵廠。擴充範圍。與川人合作。先供給川人鋼鐵。同時大製鐵軌。修築川漢及成都潼關間。和成都拉薩間之鐵路。然後再設鋼鐵廠于川中適要之地。則製造有利器矣。次則煤油。川中煤

油礦爲世界第一富藏。英之所以窺伺西藏日夜陰謀不遺餘力以侵略中國由印度整隊而來者。以此故也。成拉高原鐵路一成功。卽能大規模開採之。以之供給全國摩托車。摩托船。飛機等之燃料。恢乎綽有餘裕。不惟如長江日夜不息之漏卮可塞。（本國有馬路有摩托車摩托船飛機汽油機而無汽油出產。則此種新工具。卽不啻替外國汽油多闢市場。本國的馬路航空愈發達。金錢溢出卽更多。）且可執遠東汽油之牛耳。則燃料有利器矣。

世界經濟之變化。早已由農業而趨向工業。中國農業衰落影響生活之危險。只有振興工業始足以救濟之。而全國中「農業工業化」「工業國民經濟化」之地則莫四川若。而建設此基礎者。厥賴交通。四川誠能遵此計劃進行。則鉅量委棄之高山大川。立成金山銀穴矣。蓋有鋼鐵卽可製機器。有礦物卽可製造一切用品。有水泥鋼鐵卽可製造交通器具。有交通器具卽可將製造之物輸出售賣。交通一便利。則荒地荆蕪。川人不願操作者。有人代爲操作矣。高邱低陵。川人視爲無足輕重者。亦值巨價矣。二十餘省之同胞。及東西洋之科學家。行人旅客。將紛集于三峽川邊。舟車之所集。川人營飲食安歇衣履等業者。將萬萬倍其利矣。收集川邊川西遍地之硫磺鐵于硫酸廠。卽可以製造一切西藥。收集川邊之動植礦古生物于一室。卽



足供東西學者研究百年之材料。利用灌縣及岷江金沙江嘉陵江之水力。即可足全川機器發動及人民生活之需。而將巨大之煤。輸供別省之用。如此前進。不須二十年。四川即可執遠東經濟之牛耳。

然而四川目下對於此種建設之障礙維何。卽巨量之軍隊是也。川人誠能明白了解其無量數之寶藏。亟待開發。開發之後。七千萬主人人都有千萬私財之希望。則應當一致要求此百萬之軍隊民團游擊隊等等。共同爲不擾亂發此大財之行動。而處理此百萬軍隊民團游擊隊等等之最善方法。則莫過于遵照余前對周代本先生之條陳。將軍隊游擊隊完全開赴川邊。實行開墾建築。（方法說明如後。）民團改爲門戶丁。廢除常備制度。其組織上之官長。概以選舉法選舉。務使一縣一區一鄉之武力。在多數不在一二人。造成野心之形勢不緊張。則雖有野心之人亦不易措置活動。野心家之初心。亦未嘗不以救濟民衆之英雄事業爲己任。但當權之後。亂臣賊子之環境包圍之。務逼其爲野心家而後已。然野心家之失敗。千中之千。皆爲其野心行動養成之人所爲。所謂螳螂捕蟬黃雀在後是也。川中之野心家及川人苟悟及此。極力避免此環境之構成。而一致銷除兵革。則個人將來之富。必百千倍于今日搜

括剝剝之。殘餘屑。歐洲自科學發明。而中世紀割地自守。不想發大財。只爭眼前一根骨頭之攘奪內戰。即日漸消滅。余以萬分誠心。願川人熟思及此也。

以前開墾之無大效者。多因方法不良。技術不進之故。歐人之開美洲也。一日之中。凡耕種讀書研究建築道路抵抗印第安人之事。均一一歷之。五十年中。遂成繁庶之新大陸。川西川邊開墾之術。亦何莫不然。而主要之工作。即在能擴展教育。開導土人。士兵之待遇。一若以前之漢軍。主客相安。進行自易。每人每日工作八時至十時。計操課（學術科）三時。讀書一時半。耕種或開鑿或其他工作二時半。建築一時至二時。開墾之先。劃地爲區。每師或旅各任一區之經營。于中央之地。設立農事工業擇種化驗等大場所。川中初二三年。供給費若干萬。以開採此天然與人工培植之富源。個人之經濟日充。以後不待招募而往者。必能如華工出洋赴金山之同一踴躍也。至于開墾之初之工作人。當以軍隊游擊隊無業游民民刑事犯任之。一省一國之貫串。首在交通。國道省道縣道之交通完成。立可使貧瘠之區日臻富庶。富庶區域。更加繁盛。古今中外。毋或逾此。文化之發展。經濟之調劑。邊防之鞏固。人民生活之安定。以及縮減險隘自雄之形勢。靡不于此賴之。川省交通。尤負有勾通歐亞交通。調劑全國經濟。

抵抗強鄰侵略。解決人口問題等重要責任也。

其次。則川省之教育。亦甚重要。在此時際。應當適用「強迫工業化」制度。小學至大學。側重實驗。以養成生活職業化之人材。

然川省最困難一時之問題。即為財政之統一。主理此問題。惟有確定省幣。節出為入。但以川中狀況言。則軍隊一去。亦易整理也。

總之。四川是救濟中國良好地方之一。是東亞民族整頓自強區域之一。年來兵刀水火風盜匪蝗災害遍于全國。獨此惟一之妙藥。猶蘊藏于人不知識之區。甚望讀余書者。即以其游西湖莫干山普陀或牯嶺等游資。集合而為川峽區域之游。共同研究此進行之方。庶乎可以回答外人對於川邊形勢位置價值之問也。

### 附旅行途程表

#### 一 由宜昌水行至重慶（詳細途程可參閱十月初四至初十之日記）

宜昌二百二十里秭歸縣九十七里巴東縣一百五十八里巫山縣一百二十九里奉節縣一百八十里雲陽



縣一百八十里萬縣一百八十里忠縣一百二十五里酆都縣一百三十里涪陵縣一百二十二里長壽縣一百七十八里重慶計一千六百九十華里

二 由宜昌陸行至萬縣

宜昌八里點軍坡十里黃泥坑八里河西場十里心橋子十里曹家巷八里毛家谷十七里高家堰十里硝磺嶺十里木橋溪十五里牛轟家坪二十里青林口十二里賀家坪十六里鐵馬坡八里卜堡子里十五里鹿子坪十五里沙坪二十里冷水橋廿里郎坪十三里余子溝五里汪家嶺九里四渡河十五里天門坡廿二里花柳樹十二里野三關十八里孫馬嶺廿八里支井河廿五里大支坪廿五里唐岩頭三十里落水洞廿八里清泰林十四里新塘三十四里張家溝三十八里鷄心場廿五里大龍潭三十里黃草坡三十五里麥天灣十七里關口廿二里下馬溪廿七里黃栗坡廿里求男台廿里利川縣城廿里小心塘廿二里雲山廿二里大店子廿七里磨刀溪廿五里王爺廟廿五里郎家坡廿里龍駒壩廿里馬巴場廿五里長灘井廿里小本馬山廿里蘇家壩廿五里萬縣共計一千零六十九華里

三 由萬縣陸行至重慶

萬縣六十里瀼渡三十里武陵三十里西界沱五里石寶寨四十五里福興場三十里忠州六十里福興鎮

四十里高家鎮六十里鄧都三十里馬頸了卅里南沱卅里清溪場九十里涪陵縣卅里李渡四十五里大柏樹四十五里長壽縣六十里洛碛四十五里本洞六十里唐家沱二十五里重慶共計一千一百五十三華里

#### 四 由萬縣陸行至成都

萬縣二十里高粱鋪卅里佛寺鋪卅里望平了卅里靳家河廿二里大坪廿四里平脊廿三里遼葉河廿里松樹坪八里梁山縣十五里蝴蝶鋪十五里沙河鋪十五里老鷹場十五里豐勝場十里小溝十六里元壩驛十里黃泥壩十五里石橋鋪廿五里黃泥壩十七里青溪鋪十五里雙龍場十五里大竹縣廿二里風洞廿七里觀音岩廿九里李渡河廿五里中灘橋十五里吳家場廿里沙石坡廿五里新市鎮廿八里濫九子十七里羅家場廿九里韓家店十七里楠木嶺廿八里石了子十七里東觀場十四里半老君場廿四里半東興場廿里順慶府卅里八角鋪廿里烏龍場卅里新場廿里李琪鋪廿里蓬溪縣卅里槐花鋪廿里觀音店廿里擋家鋪卅里太和鎮卅里文聚場卅五里景福院卅三里涼水井卅里魯班橋卅里白柳壩廿里牛場卅里龍安壩廿三里磨子場十七里興隱場廿里山王廟廿里趙家渡廿里姚家渡廿八里新店子十里黃泥壩廿五里將軍碑十二里成都縣共計一千三百三十華里

五 由重慶陸行至成都

重慶十五里浮圖關十五里石橋鋪三十里白市鐸廿里走馬崗卅里來鳳驛廿里丁家坎廿里馬坊橋  
廿里大安場卅里永川縣卅里雙石橋卅里郵亭鋪卅里峯高鋪卅里榮昌縣廿里廣順場廿里燒酒  
房廿五里李市鎮卅五里隆昌縣六十里雙鳳驛卅里棗木鎮卅里內江縣卅里史家街廿里銀山鎮  
四十里資中縣七十里銅鐘河卅里南津驛四十里資陽縣四十里臨江寺廿里楊家街廿里新市鋪  
廿里簡陽縣十里石橋井卅里石盤鋪廿里茶店子四十里龍泉驛廿里大麵鋪卅里成都共計一千  
零二十華里

六 由重慶水行至成都

朝天門七里沙河壩十五里回回石五里青岩子十里大渡口廿里魚洞溪十五里小南海五里綠花  
石十五里銅罐驛卅里江口廿里業鼻沱卅里中渡街八里江津縣卅里龍門灘十五里油溪廿里金剛  
沱廿里中白沙十五里石門廿五里二溪口廿里松溉十五里豬家沱廿里十八沱十里羊石盤三里王  
家場廿里鉗口兒十里合江縣卅三里大橋十五里灌口卅五里新路口五里兩條牛五里新磯子三里  
大湖灘十五里湖灘十里內口十里小米灘五里羅漢場十里瀘州十里南田壩廿里納谿縣五里石明



場五里野猪牙廿里大渡口十五里井口十五里二龍口十里白沙渡五里江安縣廿里木頭浩十里城  
場岩十里九龍灘三里南溪縣廿里石筍沱廿五里李庄廿里國公沱廿里南廣十五里叙府四十里牛  
石壩廿里高家場廿里渣口石十里蕨溪廿里乾柏樹廿里泥溪廿里月坡廿里麻柳場十五里豬圈  
門五里么姑沱廿里犍爲縣十里岔魚寺十七里石門灘三里石板溪十五里磨子場七里鐵蛇壩三里  
道士壩十里竹根灘廿里沙板灘十五里嘉定府廿五里荔枝灣十里板橋溪廿里平羌峽五里漢陽  
壩十里鴨婆灘十里劉場十五里青神縣廿里洪花堰十里張家坎十里王家場十里眉州廿里太和  
場八里銅廠灘十二里彭山縣十里山口十二里半邊街十八里黃泥溪十五里古佛洞十二里傅家  
壩二十里蘇碼頭廿里中興場十里中和場七里高河坎十三里成都共計一千四百三十九華里

七 由重慶陸行至瀘州

重慶六十里白市驛廿里走馬崗廿五里九龍鋪廿五里江津縣四十三里涪溪四十五里白沙八十里松  
溉十五里朱家沱八十里合江六十里彌陀場六十里瀘州共計五百一十三華里

八 由重慶陸行至順慶

重慶卅里鴛鴦橋卅里悅來場廿里土沱卅里黃桷樹卅里草街子卅里沙溪廟廿里合川縣卅里雲

門鎮六十里定遠五十里興隆場六十里烈面溪四十里李波場七十里順慶共計五百華里

九 由成都陸行至嘉定（乘轎可達）（小川南）

都成廿里簇橋廿里雙流縣廿里黃水河卅五里新津縣十里鄧公場卅里青龍場卅里彭山縣廿里太和場廿里眉山縣廿里張家坎四十里青神縣廿里劉家場卅里板橋溪廿里牟子場廿里嘉定共計三百四十五華里

十 由成都陸行至打箭鑪（乘轎騎馬可達）（川南）

成都四十里雙流縣五十五里新津縣五里太平場廿里羊場六十里印峽縣八十里百丈場四十里名山縣四十里雅安縣九十里榮經縣一百里漢源縣七十里泥頭一百里冷磧四十五里瀘定橋一百二十里打箭鑪共計八百廿五華里

十一 由成都陸行至松潘（川西）

成都二十里犀浦三十里郫縣二十里安德鋪二十里崇義鋪四十里灌縣三十里龍溪一百二十里汶川縣四十里舊威州九十里茂縣一百廿里疊溪二百四十里松潘共計七百五十華里（由威州至理番縣凡七十里埋番至雜谷腦又六十里）

十二 由成都陸行至廣元（川北）

成都廿五里天迴鎮十五里新都縣廿里唐家寺卅里廣漢縣廿里小漢鎮卅里德陽縣廿五里黃許鎮廿五里羅江縣卅里金山鋪六十里老縣州六十五里魏城六十里梓潼縣八十里武連驛八十里劍州七十里劍門關七十五里昭化縣五十五里廣元縣共計二千零一十華里

十三 由成都陸行至閬中（小川北）

成都五十里龍泉驛四十里茶店子五十五里石橋井十里簡陽縣四十里龍泉寺卅里施家壩卅里高寺場卅里樂至縣五十里分水嶺卅里東禪寺卅里安居壩五十里遂寧縣九十里蓬溪縣七十里五龍場五十里南充縣九十卅西充縣五十五里鼓樓場六十五里南部縣廿五里雙龍場四十五里閬中縣共計九百卅五華里由閬中北行七十里蒼溪縣一百里永寧鋪一百八十里廣元縣（由廣元至陝西漢中府凡四百里）

十四 由成都陸行至會理（川南）

成都縣四十里雙流縣五十五里新津縣八十五里印嶺縣一百二十里名山縣四十里雅安縣九十里榮經縣一百里漢源縣三十里漢源場十五里復興場二十五里林富四十里大樹堡一百四十里海棠一百四



十里越雋縣十五里中所壩一百五十五里冕山五十里瀘沽七十里禮州二十五里西昌縣四十五里黃連坡十五里黃水塘四十里德昌五十里鐵匠房三十里永定營廿里摩挲營四十里百葉灣六十里會理縣共計一千八百三十五華里（由會理至雲南昆明縣共六百里）

十五 由成都陸行至峨眉

成都四十里雙流縣五十五里新津縣七十里彭山縣四十里眉山縣六十里青神縣八十里嘉定三十里葛老場卅里鎮子場卅里峨眉縣（峨眉山在縣城後由山麓至山頂凡一百廿華里）共計四百三十五里

十六 由成都陸行至自流井（鹽井最富之區有自來火井）

成都廿里中和場卅里蘇碼頭四十里籍田鋪四十里清水鋪廿里楊柳場六十里仁壽縣五十八里鎮子場卅里松峯場六十里雙古墳六十里榮縣九十里小溪十五里自流井凡五百二十三華里

十七 由自流井陸行至嘉定

自流井十五里小溪九十里榮縣六十里長山橋卅里竹菌鋪卅里三江鎮十里馬踏井卅里河頭坎四十里嘉定凡三百零五里

十八 由自流井陸行至叙府(即宜賓縣)

自流井四十五里雙石鋪二十五里漆樹蕩五十里白花場卅里永興場九十里叙府凡二百四十華里

十九 由自流井陸行至瀘州

自流井四十五里沿灘四十五里鄧井關十五里富順縣七十五里趙化鎮卅里懷德鎮五十里胡市場四十里瀘州凡三百華里

二十 由叙府陸行至瀘州

叙府六十里李莊六十里南溪縣七十五里南井八十五里瀘州凡二百八十華里

二十一 由叙府陸行至雲南老鴉灘(今鹽津縣)

叙府一百卅五里慶符縣廿五里高縣一百廿里筠連縣一百廿里老鴉灘(英人丁格爾則由叙府起九十里安平五十五里黃溪一百四十里灘頭七十里老鴉灘)(老鴉灘高海面一千一百四十英尺)

二十二 由瀘州陸行至貴州畢節

瀘州四十里藍田壩卅里納溪縣卅里渠壩驛四十五里大洲驛四十五里江門卅里馬嶺七十五里永甯縣三百三十六里畢節縣凡六百三十一華里

二十三 由重慶陸行至貴州松坎

重慶四十里鹿角場八十里龍岡寨六十里綦江縣八十里鎮子街三十里趕水場九十里松坎縣凡三百六十華里

二十四 由成都陸行至大金川

成都五十里郫縣八十里灌縣一百里水磨溝五百四十里懋功縣一百八十里崇化屯（崇化屯至綏靖屯九十里）四百里小金川一百二十里大金川凡一千四百六十華里



# 上海五洲大藥房發行真正國貨

## ▲五洲固本肥皂

本廠所造香皂洗衣皂皆可抵制外貨但外貨爲外國政府保護且進口稅輕并無重徵之患國貨因重重抽剝遂不能使外貨不來然因有本廠之強爲其難而外貨不能抬價亦本廠對於國人之供獻也望愛國者竭力提倡推銷爲幸

## ▲五洲亞林防疫臭藥水

亞林臭藥水爲防疫衛生之第一要藥以此臭水一分和清水七分用澆壺或噴筒每日洒於牆角陰溝廁所澡堂等處則一切害虫觸之卽死且清毒洗瘡可以預防毒菌微生虫之傳染疫症

## ▲五洲地球老牌殺蚊盤香

此香可滅南方之蚊虫與北方之白蛉子原料用自種之除虫菊通宵燃點并有益衛生并無激刺傷腦妨碍呼吸之虞與市上售品不同

## ▲▲良丹

良丹功效奇偉居家旅行人人宜備有避穢防疫祛暑醒酒并挽救急痧中暑暈船及山嵐瘴氣之用

總發行所上海四馬路五洲大藥房各埠五洲藥房均售

## 濟公活佛真傳（原名醉菩提）

是書說明濟公活佛在西湖靈隱出家後之種種奇事內中所叙之因果報應歷歷不爽無論僧俗皆宜人手一編原本錯字太多由曹亞伯抄錄改正付中華書局重印每部只收小洋三角凡欲多印送人爲濟公活佛宣傳以自積功德者請與中華書局面議或函商無不格外從廉

# 味 精

食物加味精鮮美異常用味精調  
味所費極微善烹飪者必用味精



味精用最新化學  
方法由麥麩中提  
鍊而成乃最合衛  
生之調味粉用法  
簡便售價低廉歷  
久不壞以少許調

入羹湯其味即非常鮮美且有健脾開胃之功

- ▲工商部頒給褒狀
- ▲前農商部特給獎狀
- ▲前內務部化驗証明許為適合食物衛生
- ▲國內外各大埠賽會均給有優等獎狀
- ▲英法美三國政府特許專利
- ▲國內高人居士證明為淨素

按英法美三國科學發達注重衛生  
味精得其政府之許可在其境內專  
利發售尤足證明品質優良

廠設上海盧家灣新橋浜南  
總發行所在上海寧波路三九七號



紫璫館女史胡包振玉浙江吳興人也善繪畫花卉得之家傳其母陳淑真包太夫人乃張子祥先生高足女史幼承母教畫法益精水彩與油繪係畢業於日本東京女子美術學校所畫人物如世界名人等之肖相多得神似且隨其姪孫胡惟德公使宴會於日本貴族時信手揮毫屢爲嘉賓所讚美今因求畫者多應酬太苦特定潤格以爲愛美術者珍玩之

## 紫璫館女史中西畫潤格

收件處各大箋扇店

堂幅四尺十六元

五尺二十元

六尺三十元

屏幅照堂幅減半

扇面斗方每件四元

翎毛草蟲加半

點品小景加倍

油畫每方尺三十元

山水花卉果品同

過方尺每方寸加三角

油畫寫照每方尺六十元

過方尺每方寸加六角

水彩畫每方尺二十元

山水花卉果品同

過方尺每方寸加二角

炭筆畫粉筆彩畫每方尺十五元

過方尺每方寸加一角半

民國十八年端陽節後一日曹亞伯代訂

# 勘 誤 表

58	56	55	51	49	43	30	25	24	頁數
如下	勇猛	尙	其	楊	邑	四	自	隨	誤
下如	勇猛精	倘	甚	揚	色	三	目	垂	正
11	6	6	10	2	13	11	9	11	行數
25 及 26	36	1	31	34	25	24	23	12	字數
	92	87	83	72	66	65	65	61	頁數
	都城	耍	驪	因作詩權訓碩日	前得十郎	球	普	有	誤
	城都	耍	禮	因作詩訓碩權日	前十日郎	珠	晉	每	正
	3	2	1	1	1	6	8	12	行數
	1 及 2	12	4	4	28 及 29	16	11	5	字數

中國旅行社行旅叢書第一種

# 游川日記

版權所有 不得翻印

中華民國十八年十一月初版

「遊川日記全一冊」定價大洋八角郵費外加

著者 曹亞伯

編輯者 中國旅行社

上海四川路一一四號

中國旅行社

電話六八七四一號

上海白克路四十四號

協順印刷所

電話一四六七三號

上海四川路一一四號

中國旅行社

電報掛號二四六四(旅)

分發行者

上海分社	鎮江分社	南京分社	蚌埠分社	徐州分社	濟南分社	天津分社
四川路	東場街	鮮魚巷	華昌街	東門外	經二路	法租界
遼寧分社	北平分社	鄭州分社	漢口分社	杭州分社	香港分社	廣州支社
千代田通	西皮市	大同路	散生路	湖濱路	皇道中	

經售處

上海及各埠書坊  
各埠上海銀行

上海书店  
¥0.20